

PONTSHO YA NNETE E

TLODISWANG MAHLO

 Ho phutheha hoseng hona ka Lebitso la Morena Jesu, homme ka mora ho rapela haholo. Mme ha ke a tsoha, ka nako mosong ona. Ke batile ke tsoha morao, nakong, mme ke kgolwa motho mang le mang a tseba lebaka la hoo, hona jwale.

² Ke fihlile hae, hoseng ho hong, kapa bosiu bo bong, mme keha moahelani a eme ka jareteng, yena le moradinyana wa hae. Mosadi wa hae ke mooki phaposing ya ho pepa sepatala. Ka hona a tshwere e—e molamu o ka bang mokana letsohong la hae, o nang le—le mongolonyana ho wona, ribone e itseng, mme ntho e nyenyane e re, “Ntatemoholo Branham ho tloha ka, kea kgolwa, ka bo 3:43 kapa 4:43, Mphalane wa la 11.” Yaba, ho latela masakana a maholo tlase, a reng, “O tsofetse ho feta ka moo o nahananang kateng.” Ka hona ke na le ditokelo tsa semolao jwale ho phomola nakwana hoseng hona. Ha ke re, Moena Wright, ha o—ha o ba ntatemoholo?

³ Mme ke kgolwa taba eo e batla e le boitatolo ba ka, he, Kgaitsemi Kidd, hoseng hona, ha ke ne ke eso tsohe ha o feta o tswa Ohio. Ruri ke ikutlwaa ke hodile ka dilemo tse ka bang leshome, ke a kgolwa, le hona, ka mora moo. Empa, jwaleka ha le tseba bohole ke na le setloholo mono, se etsang diponto tse supileng kapa tse robedi, ntho e kang eo, ngwana e mobe ka ho fetisisa eo nkileng ka mmona. Ha thwe, “O tshwana le ntataemoholo hantle.” Ka hona... Mme ke ne ke shebile moo a ileng teng, moo Billy a ileng.

⁴ Ka baka leo, phirimana ya maobane, ha ke theosa ka holo, hoba ke etele dimemo tsa ka, ke kopane le sehlopha sa metswalle e tshepehang ho tswa Georgia le mathokong, mme bohole re le ka ntle mono re shebile mathaka a manyenyane. Mme ba rateha. Jwale, feela ba... Kamehla e sa le ke ikutlwaa eka, “Billy, o tshaba hoba o ka ba roba, o a tseba. Ba banyenyane haholo.” Mme ke dumela e ne e le Kgaitsemi Beeler ya itseng... Ke ne ke ye ke nahane... O ne a ye a nahane jwalo le yena, empa, hamorao, a ba fumana ba sa robehe habonolo hakaalo. Ka hona, ke nahana ho batla ho nepahetse.

⁵ Maobane thapama ke fumane monyetla wa ho tjhakela lapa la kgaitsemi e mong wa rona kerekeng mona, lapa la moradi wa hae; mme hape ke nahana o kerekeng mona, moo ba neng ba tshwaretse Moena Neville tinare ya letsatsi la tswalo. Mme le yena o fetile maele o mong maobane. Mme ka baka leo re re ho Moena Neville, “Letsatsi le letle ruri la tswalo,” e

mong le e mong wa rona, hoba e le moena ya lokileng haholo. Mme, ehlile, o sa tswa feta mashome a mabedi, hanyenyane, ka hona jwalo nna. Mme ka baka leo re tswa e feta, kgetlo la bobedi. Ke moo. Jwale hoo ke hona ho atamela ho ba leqheku la monna, ha o feta letshwao leo kgetlo la bobedi, o a tseba.

⁶ Ke hopola hoseng hoo Frankie Weber a ne a fihla mona. Mme e ne e le moahisane wa rona mona; moradi wa hae o dula mono jwale. Yena o Florida. Mme nna le Frankie re kene sekolo mmoho. Mme Frankie o kenntse monehelo wa letsatsi la hae la tswalo. Mme mohlang oo ke se ke rerile dilemo tse ka bang tharo kapa nne. Ke tataiseditse Frankie ho Morena Jesu. Mme o ekeditse kotara. Kea kgolwa ke ne ke le mashome a mabedi le metso e mmedi. Mme a eketsa kotara. Ka nahana, “Oh, banna, le re Frankie Weber o dilemo tse mashome a mabedi le metso e mehlano? Shuu! Kgele, ke tshaba mohla ke tshwarang mashome a mabedi a metso e mehlano.” Jwale ke mothating wa ho tshwara ba bararo ba bona, ka baka leo he, kapele haholo. Ka hona ha ho nke nako e telele ho feta.

⁷ Ha ke sheba mona mme ke bona Moena le Kgaitsedi Kidd dilemong tsa bona tsa bo mashome a robedi mme ba ntse ba le matla, ke a nahana, “Morena Jesu, o ntshwarele ka ho tletleba, ho mashome a mahlano a metso e mmedi.” Mme bona... Wena o mashome a robedi, mme Moena Kidd o mashome a robedi le motso. Ha ke re? Mashome a robedi le motso. Mme ba sa ntse ba le tshebetsong ya lentswe. Ke a le borella, hoo ho a re kgothatsa. Ha ho jwalo? Ruri ho jwalo. Ruri Morena o lokile haholo ho rona.

⁸ Jwale, ntho e nngwe feela e mpe eo ke e tshabang, ho tshwara dikopano mona hoseng, mme ke hore... Eka ho a tshabeha, eka ke ntho e dihlong ho e bua. Empa ke na le metswalla e mengata hakana e tlang, hole hakana, ho—ho tla ditshebeletsong.

Ha ke bone ba ha Evans mona, empa ba teng mona kae-kae, ke a kgolwa. Ha ba ke ba fosa le e le nngwe. Mme na le a tseba ba qhoba dimaele tse kae Sontaha ka seng ho utlwa thero? Dimaele tse sekete le makgolo a mararo. Leeto leo ha le ba qose ka tlase ho didolara tse mashome a tsheletseng kapa a supileng ka veke, ho ya kerekeng, ke hantle, ha ba fihla mona le lelapa la bona lohle, ba fetele mona, ho lefa.

⁹ Jwale, ha se hoo feela, empa moenanyana ya tswang tlase Alabama ke enwa, o qhoba dimaele tse ka bang kaalo veke ka nngwe. Moena... Oh, banna! Moena “Welt”? [Moena e mong o re, “West.”—Mong.] West. Ho nna, eka moshanyana. Ke—ke ntate, o na le sehlopha sa bana. Empa kamehla o nkogopotsa feela, o shebahala a le motjha hona, yena le mosadi wa hae. Moena West.

¹⁰ Moena le Kgaitsedi Palmer ba dutseng morao mono, ho tswa tlase maotong a Macon, Georgia.

Le—le Kgaitsedi Ungren, ka tlwaelo ba teng mona, ho tswa tlase, Memphis, Tennessee. Na ba teng mona hoseng hoo? Ke—ke...Ka tlwaelo ba teng. Kgaitsedi Ungren le—le sehlopha se tswang tlase Memphis, Tennessee, kwana, ee, motsheo ka morao.

Mme ho na le ba bang. Feela ke...Ba bangata haholo, ho ka bitswa. Bang ba bona, ho tswa tlase Kentucky e borwa. Ba bang, ho tswa hodimo kwana mabapa le Chicago. Le ba bang ba tswa Chicago, le ka hodima Chicago, le mathokong.

¹¹ Sontaha, ke utlwile ho bile le monna mona ya na tswa California kwana, a loketse ho dula nakwana; a batla ho mpona. Ehlide, ke ne ke le maphathe, ka mora tshebeletso. Mme monna a kgutla, a sa mpona.

E mong a kena a tswa hodimo kwana, Illinois, kae—kae. Ha monna eo a le teng hoseng hona: tseo ke diapole tse monate tse hlaborsehang ho feta tseo nkileng ka di ja. Mme a ntlisetsa lesihla la diapole.

Mme e mong wa baena ba tswang tlase Georgia, ke a kgolwa e ne e le teng, kapa sebakeng se seng, a ntlisetsa sephuthelohadi sa di—pecans, mekotlahadi e ka bang mekana, ya dipampiri. Mme, oh, ruri ke kgona ho di ja!

¹² Hona jwale, ehlide, ha ke je dijo tse monate matsatsing ana, ha ke eso kgone esale mme a ikela. Ke batla hore Morena a mphe pono e ntjha. Ke ja dintho tse bobeve feela, le hanyenyane kamoo nka kgonang; ke lahlehetswe ke boima ba diponto tse mashome a mabedi. E leng...Ha kea itima dijo. Ke...Tjhe, tjhe. Hono, ho etsa hoo feela, hoo ha ke ho fe Morena. Motha o batla ho fa Morena tse kgabane ho feta tseo o nang le tsona. E seng...

¹³ Ke bone Moena Sumner le bao morao mono hape. Ho na le bongata bo boholo feela. Ke...

Jwaloka, Sontaha se fetileng, ke ne ke bitsa batho ba—ba neng ba dutse le mama, le dintho tse jwalo. Mme kgaitsedi ya tshephalang haholo o n'a le teng mono. Ka lebala ho bitsa lebitso la mosadi eo. Jwale, ha a le teng hoseng hona, ke kopa tshwarelo. Empa e mong wa bona e ne e Kgaitsedi Beeler, mme e mong e le Kgaitsedi le Moena Stephie. Le bongata bo bokaalo! Ke...

¹⁴ Bohle le ntseba hantle haholo ho tseba hore ha se ka boomo, ha ke tlola lebitso kapa ke tlola motho. Bao bohle ba ile ba tshephala hakakang! Mme ka nako tse ding ha ke dutse mona, ke ye ke bitse motho ya fihlang mohopolong wa ka feela. Empa ke...Mono, ke bolela sehlopha sohle, motho e

mong le e mong, le a bona, ho hotle feela. Mme ebe, motho e mong le e mong, ba mosa, mme ba lokile ho rona. Mme ruri re ananela hono.

¹⁵ Mme jwale, hoseng hona, re tla leka ho atamela Lentswe la Modimo hape. Jwale, ke rata ho hlahisa polelo ena, e tle e hlake hantle, hore ha-ha ke tle kopanong efe feela ho ka bonwa. Ha ke tle mono ho re feela, “Be, mohlomong ke batla ho rapela Morena ho mpfa e-e Molaetsa o tla thabiso batho haholo mme ba hweletse.” Re bile le ntho e ngata mono, empa, mme re ananela hono. Hoo ho itoketse. Le a bona? Ho a babatseha. Le a bona? Empa seo ke batlang ho se tseba, ke hore, “Morena, O tle o lebise mehopolo ya ka nthong e tla thusa batho, e tla ba atametsa ho Modimo, e tla-e tla-e tla ba etsetsa ntho e nngwe.” Hoo, e seng hakaalo ho ba haha moyeng, empa ho ba haha tsebong le tshabong ya Modimo, ba tle ba tsebe mokgwa wa ho tshetlela ha sera se e tla.

¹⁶ Ke ne ke qoqa le kgaitseya na le hodimo mona a etile vekeng ena, Kgaitseya Palmer. A re, a batla ho tseba ho tlile jwang ke dule naheng ena. Ke, ha o kena feela mona, mme, ee, nako le nako ha ke fihla phuleng ke kula hang ha ke kena teng. Ruri bophelo ha bo botle phuleng mona. Re tseba hoo. Empa Modimo o na le bana ba bangata tlase mona. Mme ka hona le leng la matsatsi ana . . .

¹⁷ Ke batla Morena jwale, ho fumana Molaetsa wa sebele o tswang ho Modimo ka kotloloho. Le a bona? Mme nna, ka thuso ya Modimo, ke ikemisetsa ho tiisetse A tle a be a fihle, moo ke ho fihlela A mpolella taba. Hoba ke ikutlwah o loketse ho ba le . . . Ho na le ntho e itokisetsang ho hlaha mona, mme ke batla ho tseba seo e leng sona. Ke batla ho tseba ho tswa ho Modimo hantle, ke tle ke tsebe ho re ke HO RIALO MORENA. Le a bona? Mme hape—mme hape le ka kgona, lona, batho, le tla tseba hobane eo ha se nna. Ka hona, ke batla ho leka ho e sebetsa tjena, hoo, kapa, ho utlwa ho Yena pele.

¹⁸ Ehlide, ha A bea Mantswe a Hae ho—ho motho, be, ha e sa le motho eo; ke Yena. Jwale ha motho a ipuela yona, a inotshi, jwale e ke ke ya sebetsa letho. Empa ha Yena, Lentswe la Morena, le ahile mothong, Le tla phethahala, mme jwale e tla ba—e tla itokela hantle feela. Ke seo re se laetsweng. Ka hara Bibele, nka re kwana kgaolong ya 20 ya Deutronoma, ke a kgolwa, E itsalo. Ee. Shebang. “Mme e ka re ha motho a bua ka Lebitso la Morena, mme taba eo e sa hlahe, jwale le se tsotelle motho eo.” Le a bona? “Empa ha ba e bua mme e hlaha, le mpe le e utlwe, le a bona, hoba e tswa ho Modimo.”

¹⁹ Modimo o jwalo. O radile lenaneo la Hae la kamehla Bibeleng mona. Re tseba ho bala seo. Empa ho na le dintho tse ding, tse—tse lebahanang le Kereke le mehla le dintho, A sa di ngolang Bibeleng mona, ka baka leo O kenya Kodu ya Hae

ho motho mme ba ntano E bua sebakeng sa Hae, le a bona, ho e bolela. Ha ho le jwalo, he, mokgwa wa ho ahlola motho eo ke ho fumana hore na e etsahala kamoo ba e buang. Ebe, ha e hlaha, e ntse e dula e hlaha ka tsela eo, be, ke moo re tsebang hobane e tswa ho Morena. Ebe moo re—ebe moo re bang le tshepo, he, ho lokisetsa dintho tse tlangu.

²⁰ Ke batla ho bala dibaka tse pedi kapa tse tharo Mangolong hoseng hona. Mme ke batla ho bala, pele, Bukeng ya Exoda, mme ke a kgolwa kgaolong ya 4 ya—ya Exoda, ho qadisa feela.

²¹ Mme jwale nka tsebisa le sa itokisetsa ho bala Mangolo ana, nka tsebisa seo ke batlang ho le bolella sona, seo Morena a se beileng pelong ya ka ho se bua, hoseng hona. Ha ke tsebe O tla etsang ka sona, ho batho; mohlomong se lebahane le motho a le mong feela mona, mohlomong motho ya ka ntle lefatsheng la teipi, sebakeng se seng. Empa ke batla ho tsebisa, hoseng hona...

²² Ke kgolwa, hoseng ha Sontaha se fetileng, ke rerile ka *Paki Ya Nnete*. Mme hoseng ha Sontaha sena, ha Morena a rata, ke batla ho rera ka: *Pontsho Ya Nnete E Tlodiswang Mahlo*.

²³ Moena Palmer o na a ntse a mpolella, maobane bosiu, hore hoseng ha Sontaha se fetileng ke buile ka temana...kapa a re Sontaha sena, ke itse ke tilo bua, ka "Mateano a mane a Kereke." Mme eitse ha ke kena maobane bosiu...Ka tlwaelo ke ye ke ngole fatshe. Seo...Ha ke tsebe na lona le lokela ho etsa jwalo kapa tjhe. Empa ke na le dintho tse ngata hakana, tseo ke lekang ho di nahana. Ke fumana ntho, ke lokela ho e ngola sekgetjhaneng sa pampiri. Le a bona? Mme ka ya e sheba, mme seo ke neng ke se bolela ka hono e se hantle makopanelo a mane. Ke e buile jwalo, ruri. Empa seo ke neng ke se bolela, e ne e le, "Ditshobotsi tse nne tsa mmuso wa Kereke." Mme ho etsa hono, ke loketse ho kopanya histori e ngata mmoho. Mme mohlomong ke tla kena mono kgetlo le latelang. Empa ho kena ho yona ho nka nakwana e ngata ho feta nako eo ke e nkileng ho e hlahloba, hoba o loketse ho kgutlela morao mme o fumane matsatsi, le dintho tse jwalo.

Hobane, lona bohole, le utlwissa bohole hore e hohle. Kgele, re batla ho kgodiseha ruri ka dintho tsena pele re di bua. Di loketse ho nepahala. Hobane, re eme mona, re tshwere ofisi e kgolo ka ho fetisia e tshwerweng lefatsheng: moreri. Moreri, le e tshepehileng le e lokileng, e tsepameng ka ho fetisia, re tshwanetse ho ba jwalo. Re tshwanetse ho itshetleha ho Modimo ho etsa hoo.

Jwale, Bukeng ya Exoda, kgaolong ya 4.

Yaba Moshe o araba a re,...bona, ha ba ka ke ba ntumela, mme ha ba ka ke ba mamela lenseswe la ka: hobane ba tla re, JEHOVA ha a ka a iponahatsa ho wena.

Yaba JEHOVA o re ho yena, Ke'ng eo e letsohong la hao? A re, Ke lere.

A re, Le lahlele fatshe. A le lahlela fatshe, eaba le e-ba noha; mme Moshe a baleha pel'a yona.

JEHOVA a re ho Moshe, Nanabetsa letsoho la hao, o e tshware ka mohatla. Yaba o nanabetsa letsoho la hae, a e tshwara, mme ya boela ya fetoha lere seatleng sa hae:

Ke hore ba tle ba kgolwe hobane JEHOVA Modimo wa bontata bona, Modimo wa Abraham, Modimo wa Isaaka, Modimo wa Jakobo, o iponahaditse ho wena.

JEHOVA a eketsa a re ho yena, Ak'o kenyé letsoho la hao sefubeng sa hao. A kenyá letsoho la hae sefubeng sa hae: eitse ha a le ntshitse, a bona, letsoho la hae le le jwale ka lehlwa ke lepera.

Yaba o re, Busetsa letsoho la hao sefubeng. A busetsa letsoho la hae sefubeng sa hae; eitse ha a le ntsha sefubeng sa hae, a bona, le boetse le le jwale ka nama ya hae.

Etlare, ha ba sa o dumele, kapa ba sa utlwe puo ya pontsho ya pele, ba tla kgolwa ke puo ya pontsho ya bobedi.

Le lemohe dipontsho tse pedi, mme pontsho ka nngwe e ne e-e-na le puo. E re ke bale temana ya 8 hape.

Etlare, ha ba sa o dumele, mme ba sa utlwe puo ya pontsho ya pele, ba tla kgolwa ke puo ya pontsho ya bobedi.

Ekare, ha ba sa kgolwe le ke dipontsho tse pedi tsena, mme ba sa utlwe lenseswe la hao, o tla nka metsi a noka, o...tshollele fatshe: mme metsi ao o a nkileng nokeng a tla fetoha madi hodim'a lefatshe.

²⁴ Mme jwale ho Mohalaledi Johanne, kgaolong ya 1 le temaneng ya 6, re bala temana tsena, kapa temana ena. Mohalaledi Johanne, kgaolo ya 1 le temana ya 6.

Mme monna a hlaha a romilwe ke Modimo, lebitso la hae e le Johanne.

...monna a hlaha a romilwe ke Modimo, lebitso la hae e le Johanne.

²⁵ Mme ho Ezekiele 24:24, ke lakaditse ho kenyá Lengolo lena, ho le lohanya ho tswa Testamenteng ya Kgale, ho fihla ho baporofeta, ho fihla ho Testamente e Ntjha; le tle le utlwisise hobane e tswa kwana, ho Exoda, qalong ho isa qetellong.

Ho lona Ezekiele e tla ba pontsho e tla tla: mohla tseo di tlang, le tla etsa ka hohle kamoo a entseng: le tle le tsebe hoba ke Nna Morena MODIMO.

Jwale a re inamiseng dihlooho tsa rona motsotso feela re sa Mo atamela ka tshabo jwale ka mokgwa wa thapelo.

²⁶ Ntate, Modimo, re tla ka Lebitso la Modimo wa Abraham, Isaaka, le wa Jakobo: Jesu Kreste ya lokileng. Re a tla, re tseba hobane O tla re utlwa, hoba ha re tle jwaloka motho ya sa tswa kena mohahong, empa re tla ka sebete ka tumelo, re dumela hobane seo A se tshepisitseng, O tla se etsa. Ka baka leo rea kopa, kajeno, Morena, O tle o nke e mong le e mong wa rona ba leng teng, ho tloha sefaleng ho fihla motsheo ho mohaho, dibakeng tsohle, le ho bula pelo e nngwe le e nngwe le ho bolotsa kutlo ya rona, hore Lentswe la Modimo o phelang le tle le tswe Lehodimong, hoseng hona, mme le tsholohele dipelong tsa rona, re tle re dumele, ha re utlwa Lentswe la Morena mme le sa tswa ballwa ditsebe tsa rona hoseng hona. Mme re O leboha ka Lentswe la Hao. Lentswe la Hao ke Nnete.

²⁷ Mme jwale, re sa bona dihora tse mpe tsena di atamela, kgalefo yohle ya Modimo e qhobellana dipakapakeng. Mme nako le nako ntho e ka hlahela setjhaba sena se O furaletseng, ho ka hlaha qhomane e le nngwe e kgolo e tla fiela setjhaba mmapeng wa lefatshe ka botlalo, ka dithorelo tse se setseng morao, tsa naha ya bohetene e tjhesehelang ho etsa tse jwalo. Le ho tseba hobane, bakeng sa ho atamela Modimo, eka ba ya hole ho feta. Le ho tseba hobane Buka ya Tshenolo le hohle ho theosa le Mangolo ho builwe ka tsatsi lena pele, jwale re ke re hlokomediswe, Morena, mme re se be bohlaswa ra paqama re ntse re otsela, jwaloka mohla monene. Re ke re tsohe mme re itsukutle.

²⁸ Kajeno, re ke re be le kutlwisiso, eo re eso ka re e fumana pele. Dipelo tsa rona di ke di tuke hakana, hoba letsatsi lena le fete, hoo ho tla beswa meyeng ya rona mollo o tla haola le naha ena, Morena, le bopaki bo phelang hohle moo re ka bang teng.

²⁹ Hlohonolofatsa bakudi le ba mahlomoleng, bao ba hlokang, ba hara rona le ba seng hara rona, batho ba Hao, hohle.

³⁰ Hlohonolofatsa Lentswe la Hao, Morena. Halaletsa mohlanka wa Hao, le bahlanka ba Hao ba mametseng, hore, mmoho, re tle re atametswe temohong ya ho hlaha ha Hae, ho feta pele bophelong. Ha ke rapelle ba mona feela, le bao ba tla utlwa teipi lefatsheng ho pota, ba tle ba sotetswe Kerekeng ya Modimo o phelang. Hoba re a eellwa tsela ya ho fetoha setho sa Kereke ena e nngwe to, ke ka tswalo ya Moya, re ntoo kolobeletswa ka Moya o le mong Mmeleng o le mong. Ke rapella, Modimo, e mong le e mong wa bona lefatshe ho pota, O tle o Ithuele thoriso. Mme re ke re hlophise meya ya rona hona, re tle re howe re le ntsweleng lefatsheng ho pota, re hweletse, "Leha ho le jwalo, tloo, Morena Jesu." Re rapela sena ka ke Lebitso la Jesu Kreste. Amen.

³¹ *Pontsho Ya Nnete E Tlodiswang Mahlo.* Haesale motho a batile dipontsho, esale ho tloha morao kwana ho Faro ho fihlela la kajeno.

Mme Jesu o re boleletse ka—ka mohla ho tla fihla batho ba batlang dipontsho, le ho re, “Moloko o lonya, o mofebi o tla batla dipontsho. Empa, leha ho le jwalo, ba tla fuwa pontsho.” Mme moloko oo o ne o tla amohela pontsho ya tsoho; e tla be e le moloko o fokolang, o lonya, le o mofebi o tla fuwa pontsho ya tsoho.

³² Empa jwalokaha Lengolo lena le robetse pel'a rona, kgaolong ya 24 ho Ezekiele le temaneng ya 24, moporofeta enwa o ne a entswe pontsho. Mme ke yona pontsho eo ke ratang ho buwa ka yona.

³³ Monna enwa o na etswe pontsho ho Israele. Mme hohle ho theosa le Mangolo, Modimo o sebedisitse baporofeta ba Wona e le dipontsho. Mme haesale ba tlodiswa mahlo. Ba bonahala ba sa kgone ho tshwara pontsho eo le ka mohla. Ka mehla ba batlana le pontsho ya tshisimoho.

Esita le Bafarasi ba mehla ya Jesu, ba itse, “Re bontshe pontsho e tswang Lehodimong.”

³⁴ Empa Jesu a re ba tla fuwa pontsho. “Pontsho le se le e fumane.” Ho re, “Le lemoha tshobotsi ya mahodimo. Le sheba pontsho eo. Le re, ‘Ha le le bofubedu, le le letsho, hosasa le tla duma.’”

³⁵ Hola ba sheba pontsho, ba ne ba tla Mo sheba, ba tsebe hoba E ne e le pontsho ya Modimo ho bona; hobane diporofeto tsa bona tse buang ka Yena di ne di tlatswa pel'a mahlo a bona. Empa ba nna ba batla pontsho.

³⁶ Ho hlolla hakakang ha batho ba etsa hono, ha ba tla batlana le pontsho kanthebo pontsho e na le bona, hara bona hantle. Jwale, Israele e ne e kene boemong bona.

³⁷ Mme ka dinako tse ding tlatlapo eo pontsho eo e lokelang ho feta ho eona e a makatsa. Tlatlapo eo Jesu a pholleditseng ho eona, ho kgodisa pontso ya Modimo, hore E ne e le Messiah.

³⁸ Re fumana mona, mohlankanya enwa wa moporofeta ya bitswang Ezekile ebile pontsho ka mehla, ka dinako tsohle. Ka moo a ileng a itlhokofatsa! Nqa e nngwe mona re mo fumana a sekame ka lehlakore la hae le letshehadi matsatsi a makgolo a mararo le mashome a robileng mono o le mong. Modimo wa mo laela ho kga dinawa le moapeho, le ho di kopanya, le ho di apeha, le ho o bea pela lehlakore la hae. Le ho ya robala hodima letlapa, le ho sekama ka lehlakore la hae le le tshehadi, feela; a sa phethohe, matsatsi a makgolo a mararo le mashome a robong. E nahaneng. Mme ha ntoo thwe, “Phikolohela nqa le letona mme o sekame mono matsatsi a mashome a mane, hape.”

³⁹ Mme O boletse mona, “See o se bonang, Ezekiele,” ho re, “kahobane o jere bokgopo ba setjhaba, letsatsi ka leng Ke le balla selemo ho bona.” Ho bolela’ng, hore, tsatsi ka leng a le robetseng mono, le lekanya selemo seo ba tla se dula kgolehong, le hoba makgopo a bona a tla hopolwa ke Modimo, mme Modimo a ke ke a hlola a utlwa merapelo ya bona.

⁴⁰ Empa tlatlapo eo monna eo a na a loketse ho feta ho yona, hобанeng hoo ho ne ho hlokahala? Bongata bo nnile ba ipotsa, hобанeng motho a hlokwa ho etsa ntho e kang eo. Ke kahobane batho ha ba bale Lentswe, mme ha ba rapele. Ka baka leo, Modimo o ikemetse, mme O roma moporofeta wa Hae ho ba pontsho. Batho ha ba bale. Ha ba tsotelle ho bala. Mme ha ba rapele, hoba haholo ba etsa dintho tse ding. Ha ba bee nako ya ho rapela. Mme Bibele e a ba tena. Ha ena mahlahahlaha a lekaneng a matsatsi ana a sejwalejwale, kapa a matsatsi afe feela.

⁴¹ Le a tseba, ke kgolwa e le Pauluse ya itseng, “Lona le mangolo a Modimo, a balwang ke batho bohole.” Modimo o sebedisa batho e le dipontsho, ho hlahisa dipontsho tsa Hae. Mme hangata pontsho eo, e batla e le nako le nako, hangata, haese haele batho ba kgethiliheng, pontsho eo e tlodiswa mahlo mme e nyatsuwe, ho tlokwa, ho lelekwa.

⁴² Mme ha ho nahanisiswa, esita le Testamenteng ya Kgale, mehleng ya baporofeta, ba ne ba nnkuwa e le batho ba ferekangeng kelello. Ba hopola hore baporofeta bao e ne e le mahlanya a maholo, hore ho ne ho e-na le phoso kelellong tsa bona. Mme ba ba bone ba kena ho tswa lehwatateng le—le ho etsa dipontsho, ba ntoo kgutlela lehwatateng hape. Mme ba ba some, hoba ba ne ba sa tsebe Lengolo.

⁴³ Jesu o kile a bolella Ba farasi, ka mohla, mabapi le tsoho. Ba re, “Re bile le... Molao o re ha moena a shwa mme a siya mosadi a sa—a sa mo siele bana, hore moena’e eka kgona a nke mosadi eo a mo tsoisetse bana, ebe ba mofu.” Le ho re, “Re fumane ya phetseng le bana ba motho ba supileng. Mme wa pele a nka mosadi, mme a shwa, a sa siya leloko. Mme yaba ngwana’bo o a mo nka, mme a ntoo shwa; ho ya jwalo ho wa bosupa. Mme qetellong mosadi le yena a shwa.” Ho re, “Jwale, tsohong,” ha thwe, “jwale, e tla ba mosadi wa mang, ho ba supileng bao?”

⁴⁴ Oh, ke rata Lentswe leo! Jesu o itse, “Le etsa phoso kamehla, ka ho se tsebe Mangolo esita le matla a Modimo.” Oh, ka moo A na a tla kgaruma ka taba eo kajeno hola A eme mona! “Le etsa phoso kamehla, ka ho se tsebe Mangolo esita le matla a Modimo.” Matla a Modimo a tsamaya mmoho le Lengolo. “Le etsa phoso e kgolo.”

A ntoo tswela pele ho re, “Tsohong ha ho nyalwe ebile ha ho nyadiswe, empa ba jwaloka Mangeloi.” Ha A re etlaba

Mangeloi, jwale, empa ba tla ba jwaloka Mangeloi, maro a tona-tshehadi a tla be a le siyo ho bona. Ha ba nyale ebile ha ho nyadiswe.

⁴⁵ Re phela tsatsing la boitshwaro... kapa matsatsing a felang a mmuso o felang. Empa ho tla letsatsi la mohla ho hlhang Mmuso o sa shweng, mme Mmuso oo o sa shweng o moo balopollwa ba tla phela teng. Bao ba lopolotsweng, mme ba na le... Bophelo bo siyang mmele ona, bo kgutlela ho Modimo ya faneng ka bona, bo tla boela bo kgutla bo tswa Sefateng sa Bophelo, tsatsi le leng, ho busa ka ho sa feleng.

⁴⁶ Ka moo mohlankanya enwa, moporofeta e motjha, a tetseng a ba a nehela bophelo bohole ba hae e tle e be pontsho setjhabeng sa habo, ya kotlo eo ba neng ba tla e fumana, hobane ba ne ba fetohile seo re ka se bitsang "ho se tsotelle." Ba sa batle ho amana le Modimo ka letho. Ba sa dumele baporofeta bao, mme ba ba soma feela. Mme, empa, ka thoko ho mona, ho sa tsottelehe ba ne ba sa batle hakae ho e dumela, Modimo wa hlokromela hore ba e fumane, leha ho le jwalo.

⁴⁷ Jesebele o ne a sa batle ho amohela hoba Akabe e ne e le moruti wa hae, empa e ne e le yena. Modimo wa hlokromela hore a fumane pontsho, leha ho le jwalo.

Ho jwalo le ka setjhaba sena kajeno. Modimo o nang le toka le o tshepehang, ka Lentswe la Wona, o no o sa tl'o dumella letho, leo re bonang le le mothating wa ho hlaha, pontsho e sa ka ya hlaha kae-kae. E sa le A ena le yona. Jwale, re loketse ho e batla. Mme ke tiile hore batho ba nang le kutlwisiso e phodileng ya Lengolo ba tseba mokgwa wa ho sheba.

⁴⁸ Noe e ne e le pontsho mehleng ya hae, ho batho, ya kahlolo e tla latela. Noe tsatsing la hae a nnkuwa e le lehlanya. E ne e le moporofeta. A nnkuwa e le motho eo kelello ya hae e sa tsitsang. Mme monna eo a otrella, ngwaha ka mora ngwaha, a haha areka, athe ha ho metsi lefatsheng haese a melatswaneg feela. Mme a lepa ntho e boswana, mohopolong wa nama. A re, "Metsi a tla theoha lehodimong."

⁴⁹ Ha ho belaetse, bongata bo ne bo tla re ho yena, "Mpontshe moo a leng teng." Mahlale a na a tla re, "Nka kgodisa hobane metsi haa yo hodimo mono."

Empa, leha ho le jwalo, ha Modimo a mmoleletse a tla theoha mahodimong, Modimo o tla hlokromela hore ho phethahatswe Lentswe la Wona.

⁵⁰ Mme yare metsi a eso bonahale, yare ho eso hlahe leru dipakapakeng, lerothodi la pula le eso ka le rotha, le ka mohla, ntho e kang pula eso be teng, leha ho lejwalo, ka dinako tsohle, Noe a nna a lokisa areka ya pula. E ne e le bopaki bo phelang ba hobane moporofeta enwa o na dumela seo a a na bua ka sona, hoba o ne a hlophisetra hona.

⁵¹ Mme ha batho bafe feela ba dumela ka nnete seo o se buang, le tla itokisetsa hona.

⁵² A nke ke emise mona, motsotsso feela. “Tsatsi la Noe,” jwalokaha Jesu a boletse, “ho tla ba jwalo ho Tleng ha Mora motho.” Hola dikereke, kajeno, di ne di dumela seo di buang ka sona, di ka be di etsisa seo di se buang.

⁵³ Re ka haha mehaho ya diemahale jwang, le mehaho ya dimilione tsa didolara, le tjaleho e kholo ya mekgatlo le dintho tse kang tseo, le ho rera hobane Kreste o tla nakong efe feela? Re ka tswella jwang, ho sheba diphutheho tsa rona le ho di bona di arohana le matla a Modimo mme di kena mokgweng wa lefatshe, le ho o kenya kahara kereke le ho o tswakanya mmoho, mme re e dumelle? Ka baka la botumo, le ka baka la mehopolo e tummeng le diphapang tsa diphutheho tse hlophilweng, ho leka ho ngatafala ho feta mokgatlo o latelang, re ka etsisa jwang seo re se rerang? Mme lefatshe le bona hoo. Ba tseba seo. Ka baka leo, borapedi bo fetohile ntho e kang ho fetoha setho sa tsamaiso e itseng, kapa ho fetoha setho sa sosaiti e itseng, borapedi.

⁵⁴ Pholoso ya Kreste ha se sosaiti. Ha se ho ingodisa nthong e itseng. Ke boiphihlelo bo phelang.

⁵⁵ Jwale, Noe o ne a hlahisa seo a neng a bua ka sona. A re, “Kahlolo ya morwallo e tla theohela hodima moloko o sa lokang ona. Mme Modimo o tla tsholla mahodimong, pula, mme O tla khamisa lefatshe lohle.” Mme a sa etse hono feela, empa a betla tsela ya ho phonyoha mme a laela batho ho tla ho yona. Ba mpa ba hana ho mo utlwa.

⁵⁶ Empa, Noe, jwaloka moporofeta, e ne e le pontsho ho moloko oo, pontsho e ne e nyediswa, monna ya na nnkuwa e le monna wa lehlanya; a ntse a lokisa ntho e nngwe, athe mono—mono ho be ho se sesupo kae kapa kae, kapa se eso be teng, hore e ne e ka sebedisetswa letho.

Empa eka batho ba nahana jwalo kajeno. Ba ka nahana ka qhobosheane ya sewahodimo. Qhobosheane ya sewahodimo e tla thusa’ng athe ho ke ke ha sala le sefate kapa lejwe hodima lefatshe?

⁵⁷ Re na le qhobosheane ya sewahodimo, Mokreste o na le yona. Jwalokaha ke boletse, diSontaha tse mmalwa tse fetileng, kapa ke nahana kae-kae tseleng, “Ha se qhobosheane ya sewa-hodimo. Ke qhobosheane sewela-kahare, re wela kahara Yona, ka sekgaahlha, ka pelo tsa rona tsohle, le ka moywa rona wohle, le mohopolo wa rona wohle, ka ho Kreste, areka ya Modimo ya polokeho.”

⁵⁸ Empa, Noe, ramethapo, ya nnkuweng jwalo tsatsing leo, ka polelo ya bohlanya ya ther, le ka ho hlahisa pontsho pel'a batho, a ba hlokomedisa, o ahlotse lefatshe. “O tswile lefatshe,

ka ho haha areka,” athe metsi a ho sesisa a na a le siyo. “O tswile lefatshe,” Bibele e boletse, Baheberu, kgaolo ya 11. “O tswile lefatshe mme a pholosa ba ntlo ya hae, ka ho lokisa,” le ho ba pontsho ya Modimo, ya dikahlolo tsa letsatsi leo tse tla latela. Ke ntho e tlotlehang hakakang!

⁵⁹ Dilemo hamorao, ha latela pontsho e nngwe. E le Moshe, moporofeta. E le pontsho ya Modimo ho Iseraele. Ba ne ba qetile dilemo tse makgolo a mane bokgobeng. Mme Modimo wa ba lokisetsa pontsho, pejana feela ho tokoloho. Mme e ne e le pontsho ya tokoloko ho Iseraele, le pontsho ya kahlolo ho Egepeta.

⁶⁰ Noe e ne e le pontsho ya tokoloho bathong ba habo, le pontsho ya kahlolo lefatsheng le timelang, mosadumele. Wona metsi a kgammeng lefatshe le ho qwedisa lefatshe e ne e le yona feela tsela ya ho pholosa Noe. Ntho e le nngwe feela e neng e ka mo pholosa e le kahlolo.

Ntho e le nngwe e tla pholosa Kereke kajeno ke kahlolo, Modimo o bea kahlolo lotong ya ho lekanya.

Empa Noe a rera ka ho tshwana. A fetoha pontsho.

⁶¹ Mme jwale Iseraele, ka mora dilemo tse makgolo a mane, ba qala ba tsetsela tokoloho. Mme Modimo le ka mohla ha o Itshenole ha o Iponahatse pele batho ba Wona ba ikemiseditse ho amohela seo A se bontshang.

⁶² Jwale, oh, ho ka thweng hona mono! Ha eba e...Kamoo Modimo o tloretseng setjhaba sena se hlobotse. Ba tseba haholo. Masedi a ditaba a e phatlaladitse, ho potoloha le ho potoloha le ho potoloha. Dipontsho tsa ho Kgutla ha Hae di hlahisitswe. Mme ba hobaletse feela ba sa kgaotse eka ha ba e tsotelle. Ha ba na boitatolo. Re pheletsong.

⁶³ Modimo o romela baporofeta ba Wona ha feela batho ba batla moporofeta. Modimo o romela pontsho ya Wona ha batho ba itokiseditse pontsho. Empa, taba ke ho re, ke ka sewelo batho...Ba fihla moo ba batlang tshisimoho, kapa ba tla batla ho itseng, “Re bontshe pontsho e tswang Lehodimong.” Empa ha Modimo o romela pontsho, eba ha ba batle ho e bona. “Ka baka leo e patetswe mahlo a ba bohlale le ba masene, ho senolelwaa masea a batlang ho ithuta.” Ba e tlodisa mahlo, pontsho.

⁶⁴ Ka moo Iseraele e loketseng ebe e tsebile, ha ngwana e motle eo a ne a tswalwa, mohla ba ne ba sheba hodimo mono mme ba bona ka—ka nako dilemo tseo ba ne ba phela ho tsona, “Setjhaba sa heno e tla ba bajaki ka dilemo tse makgolo a mane, naheng esele, empa Ke tla ba ntsha.” Ba loketse ba be ba tsebile hore nako e haufi, le mohla ba bonang ho tswalwa ngwana e motle eo. Hoo, esita le mme le ntate, Amrame le Jokobeta, ba sa kang ba tshaba ditaelo tsa morena, mme ba mo

hloma hantle hara dikwena nokeng; ho se le e nngwe ho tsona e ka mo lomang. Ba bona hore pontsho e ne e teng, ba mpa ba e hlokomoloha. Ba ne ba sa itokisetsa yona.

Modimo wa mo tlisa wa mo kenya kahara paleisi ya Faro hantle, le ho dumella Faro ho mo hodisa le ho mo ruta thuto yohle eo a neng a ka e fumana, ho bontsha (Modimo) ka moo A sebetsang dintho kateng, mme wa mo isa motsheo ho lehwatata, wa mo lebatsa yona kaofela.

⁶⁵ Faro o ne a mo kwetlisa mohlang oo. Modimo o no o mo kwetlisa. Faro a mo kwetlisa dilemo tse mashome a mane, yaba Modimo o qeta dilemo tse mashome a mane ho mo kwetlisa, ho mo lebatsa yona yohle. Kwetliso ya motho; le kwetliso ya Modimo.

Faro o ne a kwetlisetsa mora boetapele, ho ba modiplomate, e le mohlabani, selwani, e tle be Faro e mong ya hlahlamang ya na tla baballa Egepeta maemong a yona a diphahameng, ho falatsa ditjhaba tse ding tsohle le ho di laela ho lebisa tlota ya tsona ho Faro. Empa Modimo wa mo isa motsheo ho lehwatata, ho mo honya hoo hohle. Le ho mmontsha, nakong ya metsotso e mehlano, ka sehlahla se tukang, hore E ne e le Modimo o phelang. Ho ntsha tshabo yohle ho yena; ho mo lokisa. E ne e le pontsho.

⁶⁶ Modimo o batla batho ba Wona ba rapele. Mme mohla Iseraele a ne a tubjwa hakana, ho fihlela, ba sa kgone ho tswela pele, nako ya bona e ne e phethilwe, mme merwalo ya bona e le hole ho feta le kamoo ba neng ba nahana, yaba ba qalella ho rapela. Mme ha batho ba qalella ho rapela, eba moo Modimo o qalang o mamela. E ne e le nako ya phethahatso ya Lentswe la Modimo.

⁶⁷ Mme ka hona, eitse ha Amrame le Jokobeta ba bona ho fihlile nako ya ho tlatswa ha Lentswe, ba kena thapelong, ho Modimo. Mme hangata batho ba rapelang ke ba nang le morwalo, ke yena ya fuwang ho hong. Ke ba rapelang, ba kgethilweng ke Modimo ho etsa jwalo.

⁶⁸ Re ne re qoqa hoseng hona tafoleng ya borakefese re ntse re ja bohobe bo chesitsweng le dintho tse jwalo ka lehlaphahlapha, ho ya kerekeng. Ha buuwa ntho ka monna ya itseng, hole le mona, ya na a boetse a tsuba disakrete ka mora ho fodiswa mofetshe. Ka re, “Ho haula hakakang.”

⁶⁹ Ka baka leo motho a bua a re, “Ke ntho e tshabehang ka ho fetisia ho e tela, e leng teng, ho tsuba disakrete.”

⁷⁰ Ka re, “Ke a tseba. Hobane, ke diabolosi.” Mme ka re, “Ke-ke diabolosi.” Ka re, “Mme o ke ke wa e tela matla a Modimo a se hodim'a hao.”

Ke tseba mathaka a mabedi bophelong ba botjha ba ka, bobedi ba bona ba batla ho ba banna ba Modimo.

E mong wa bona, hang hoba ke mo tataisetse ho Kreste, a qala a hotetsa sakrete. A tsuba diphuthelo tse hlano kapa tse tsheletseng ka letsatsi, a dule fatshe a hotetse se seng ka se seng, letsheare lohle. Mme a leka ho hotetsa sakrete se seng, mme Ntho ya mo hanela. A ya setofong, a sa tsebe hore Lengolo le ahlola dintho tseo, mme a bula setofo mme a sotetsa sephuthelo ka hara setofo. Mme yaba ke phetho.

⁷¹ Atha, thaka le leng le ne le batla ho ba Mokreste, mme a leka ka bokgoni ba matla a hae. A lla ho Morena. A di tlohela, veke tse pedi kapa tse tharo. Mme eitse ha a re pha, maemong ao, a lahlehelwa ke kelello ya hae. Mme ha a re pha, ke moo a iphumanang a le jareteng e ka morao, a tidinya lekotikoti le le nyenyane, a lahlehetswe kelello ya hae. A mathela ka tlung, ka potlako, mme a phamola disakrete tsa hae, mme a tsuba paki pele a tloha lapeng phirimana eo, hantle feela se seng ka mora se seng. Le a bona?

⁷² E mong o na a bitsitswe. “Ha ho motho ya ka tlang ho Nna a sa hulwe ke Ntate, mme bohle bao Ntate a Nneileng bona ba tla tla ho Nna.” Temoso e ne e bolela’ng? E ne e le Bophelo, ho e mong. A E bona. O ke ke wa e bona pele Modimo a E senola. “E patetswe mahlo, ba bohlale le ba masene, le ho senolelwa masea a batlang ho ithuta.” Ke hantle.

⁷³ Amrame le Jokobeta ba tsebile hore nako e fihlile. Hora e ne e le haufi.

⁷⁴ Mme ke batla ho bolela sena ke sa bua ka sona. “Ha se ya batlang, kapa ya mathang; ke Modimo o hauhelang.” Ke hantle. Ke Modimo.

⁷⁵ Ka baka leo, kajeno! Oh, taba ena e ke e thophothele ka botebo! Ha eba, kajeno, Modimo a o bitsitse, mme o ikarotse dinthong tsa lefatshe, mme matla a tlotlehang a Modimo a o hlatswitse dinthong tseo, o loketse ho ba motho ya thabileng ka ho fetisisa ya leng teng lefatsheng. Ho na le dimilione tse beng di ka etsa jwalo hola di kgona, empa ha di kgone. Ha ba etsetswa ho e fumana. Lena ke letsatsi leo Kereke e bitswang, ho beellwa ka thoko. Ho fapane, le kamoo ho ne ho le kateng. E.

⁷⁶ Ha batho ba qala ba rapela, mohla Iseraele e ne e qala e rapella moporofeta, Modimo wa ba le moporofeta. Modimo o no ntso na le moporofeta, ka dinako tsohle, hoba kamehla Modimo o no o ba eta kapele. A se a lokisitse monna, empa A emetse batho ho kena thapelang, hore batho ba e batle.

⁷⁷ Nka e bolela e le papiso e kakang ya kajeno! Seo re se hlokang kajeno ha se motsoseletsi, ha se monna ya itseng wa mokgatlohadi o itseng, ya ka hlophisang dihlopha tsohle mmoho. Seo re se hlokang kajeno ke moporofeta ya rometsweng ke Modimo, ka Molaetsa o tla ahlola lefatshe. Modimo a ka fumana monna eo, ha feela batho ba itokiseditse yona. Le tseba seo ke se bolelang. [Phutheho e re, “Amen.”—Mong.] O na le

yena, mohlomong, o mmeile kae-kae lefatsheng, empa batho ba loketse ho e batla. Modimo ha o sutele dintho mmetsong wa hao. Wena u tlamehile ho e batla. "Ho lehlohonolo ba lapileng ba nyoretsweng ho loka, hobane ba tla kgoriswa." Ke hantle.

⁷⁸ Hoba Moshe a lemohuwe . . . Hoba batho, ke rialo, ba tsebe hoba ba hloka moetapele, ba qalella ho rapela. Ba qala ba rapela Modimo ho ba romella moetapele, kapa motho ya ka ba hollang. Mme A ba romella monna, moporofeta. Eo e ne e le pontsho ya Hae. Jwale, hola monna enwa e ne e se moporofeta, hola a hlaha, a re, "Ke ramahlale wa dintwa," Iseraele e ne ena le tokelo ya ho se dumele monna eo. Hoba, Modimo, nako le nako, ka ho se hholehe, o romela moporofeta. Ak'o bolele mohla o le mong kahara Bibebe moo e kileng ya etsahala. Kamehla O romela moporofeta ka HO RIALO MORENA.

⁷⁹ Esita le Davida, ka sebele, radintwa ya bohlale ka ho fetisisa eo Iseraele e kileng ya mo fumana, mme, leha ho le jwalo, Davida e ne e le moporofeta. Ruri, e ne e le yena. E ne e le moporofeta, Davida.

⁸⁰ A emetse batho ho tlala takatso pelong tsa bona ho utlwa moporofeta enwa eo A na tla mo roma.

Hoba, ho bile le sehlopha se ipoletseng jwalo, se mpa se se jwalo. Hamorao ha hlaka hore ba ne ba sa tshephahala. Ba mpa ba fuduhiwe feela, le ke tshisimoho. Mme Bibebe e boletse, "Sehlopha se kopaneng se tswile se tsamaya le bona." Sa etsa eng? Sa hlahisa mathata lehwatateng. Mme nako le nako, ha mohlolo o etswa! Oh, eka nkabe ke khona ho thopothetsa taba ena, hantle. Nako le nako ha Modimo o romela ntho, boipeho bo kgohlahetseng, ba nama, bo hlaha ho e felehetsa. Nako le nako, ka mehla ntho e nngwe, "boipeho-tumelo" ba yona, mme batho ba imatahanya le hono hantle.

Empa moporofeta wa Modimo wa makgonthe o dula le HO RIALO MORENA. A ke ke a sutha Lengolong leo le ka mohla ha a fela a rometswe ke Modimo.

⁸¹ Moshe a dula le Lengolo hantle. Modimo wa re, "Ke tla ba ntsha." Wa re ho Moshe, "Ke O rometse ho etsa mosebetsi wona." Mme Moshe a fuwa boiphihlelo. O ne a kopane le Modimo. A ena le Lentswe la Morena.

⁸² Lebaka leo Modimo o romelang baporofeta ke hoba ba na le Lentswe la Morena. Lentswe la Morena le tla ho baporofeta. Mme ha a se na Lentswe la Morena, e tla be e se moporofeta.

⁸³ Ho na le boipeho bo bongata ba nama bo lekang ho ipoledisa e le baporofeta, ho theosa le mengwaha yohle, empa kamehla ba sutha Lentsweng la Morena. Empa moporofeta wa nnete o dula Lentsweng hantle. Jwale, le se lebale polelo eo. Moporofeta wa nnete o dula le HO RIALO MORENA.

⁸⁴ Jesu o re lemositse se tla hlaha matsatsing a qetelo. Empa e—e mohlanka wa nnete, moporofeta wa nnete, le ka mohla ha a hlolehe ho ema le HO RIALO MORENA.

⁸⁵ Moshe o na a dutse ho Morena. E ne e le pontsho. E ne e le pontsho ya Iseraele hore tsatsi la bona la tokoloho le haufi, mme e le pontsho ya Egepeta, hore tsatsi la pheletso ya bona le haufi. Hoba, ba bile ba nwela Lewatleng le Shweleng mono, hamorao, lebotho lohle la Faro. Ba ne ba fihlile pheletsong ya matla a sesole sa bona, mme moporofeta e ne e le pontsho ya pheletso ya setjhaba.

⁸⁶ E nahaneng, Modimo o moholo hakakang, mme O sebetsa ka ho nyatseha ho ho kakang. Efela, ha ba sa rutehang ba ka e utlwisia, le ba rutehileng ba tlamehile jwalo. Amen. Efela ha makgoba a ka hara dikgatampi tsa seretse sa Egepeta a na a kgona ho utlwisia hore e ne e le moporofeta ya tswang ho Modimo, le hoba hora e ne e atametse, paleise ya Faro e loketse ho e tseba ha kakang. Empa ke wona mofuta o sa e tsebeng. Ke wona mofuta o e fosang, ka mehla. Mme hoo . . .

⁸⁷ Moshe a ema, a shebile ka difesetere tseo, ha bana bao ba Iseraele ba feta. Ho Iseraele . . . Ho Faro, e le makgoba le dintja. Ho Moshe, e le bakgethwa ba Modimo. Bibele e boletse, ho re, “Moshe o kgethile,” a ikgethela, “ho jara sekgobo sa Kreste, a lekanya e le monono o fetang menate ya sebe, hoba o ne a tadinile moputso.” Moshe a tseba hore bao hase badubi ba seretse; bao e ne e le setjhaba se nang le tshepiso.

⁸⁸ Yena ka sebele, a itseba seo a na a le sona. A ke ke a ba bolella. Ba tlamehile ho itemohela yona, ka bobona. A tseba, ka boyena, seo mosebetsi wa hae o no o le sona, ho—ho etswa. A tseba hobane Modimo o mo hlahiseditse morero ona, empa a ke ke a ba bolella. Mme ha feela ba ne ba e foufaletse, ha a ka a itshenola pontsheng, pele ba e hlokomela. Yaba, ba bona pontsho eo, mme ba e tseba.

⁸⁹ A re, “Ke tla hlahisetsa Iseraele pontsho. Nka thupa ena; e fetole noha. Ba ke ke ba e mamela. Ebe o kenya letsoho la hao sefubeng sa hao, le ntshe, iphekole lepera, ke moo ba tla e dumela.”

“Mme jwale he, ha ba sa e utlwe, kga metsi nokeng ya Nile tlase mono, o a tshollele mobung o omileng, mme metsi wohle a tla fetoha madi.” Eo e le pontsho ya setjhaba. Batho ba tla e dumela. Etswe, bao ba itokiseditseng ho e amohela ba tla e dumela ha ba bona pontsho ya Modimo e hlahella, empa setjhaba se loketse ho fumana ntho e fapaneng. Ka baka leo, A se fa pontsho sohle.

⁹⁰ Modimo wa sebedisa monna, monna ya ithobileng, moporofeta, ho fetoha pontsho ya pheletso ya maemo ao a botjhaba tlase mono. Modimo, re romelle e mong. Re hlahisetse e mong. Ha batho ba Modimo ba ka rapella tse jwalo, O tla mo

hlahisa. Ke hore, batho ba lokela ho fihlelwa ke morwalo oo. Ba loketse ho phaphama. Ba loketse ho eellwa. Ba tlamehile ho tseba tsatsi leo re phelang ho lona, le mofuta wa maemo a re teetseng hare, pele ba ka tsoha.

Tswella o phele kamoo o phetseng kateng. “Ke lokela ho haha ntlo e ntjha monongwaha. Ke loketse ho fumana koloi e fetang ya ba Jones ka botle. Ke loketse ho etsa *sena*.” Oh, hakana *mona!* Hodim’o e ellwa, hore ho sa tsotelehe... Hoo hohle ho itoketse. Empa o tshwanetse ho elellwa, moena, hore ntho tsena tsohle di tla timela.

Jesu o itse, “Le se ke la tshaba motho ya ka bolayang mmele,” bomo ya atomo ya Russia. Le se ke la tshaba motho ya ka fetolelang mmele ona leroleng la volkan, metsotsong e mmalwa, “Le mpe le tshabe Eo ya ka etsang mmele jwalo a ba a lahlela moyo diheleng.” Ke yona.

⁹¹ Jwalokaha ke ne ke qoqa le ngaka, kokelong kwana mohla mme a ileng mono. A bua ka boholo ba mahlale, a sebetsanang le ditho tse fapaneng tsa mmele, le ho kenya moriana ho wona, le ho bona hobaneng o ka bolaya kokwanahloko e itseng, mme o pholose kokwana ya bophelo. Ka re, “Ho a babatseha. Ho kgabane feela.” Ka mo mamela nakwana. Empa ka re, “Ngaka, ke hantle. Ke ananelo seo. Ho hotle haholo. Ruri ke—ke leboha Modimo ka hono. Empa, sheba, o qeta nako yohle ya hao o leka ho fumana ntho e nngwe ka dibopilweng. Empa hobaneng ka nako tse ding o sa nahane ka Ya e bopileng, Ya e entseng, Yena eo e leng morali wa yona? Modimo ke morali wa yona.”

Mmopi o moholo ha kakang ho popo eo A e bopileng! Hobaneng re toboketsa haholo popong, empa re sa nahane hakaalo ka Mmopi Ya entseng mahodimo le lefatshe, mme wa etsa mmele le bophelo? A ka o timetsa nako le nako ha A batla, hoba e le wa Hae.

⁹² E se e le ntho e kgabane ka ho fetisisa ena, ho sebetsana le mmele wa motho. Re ananelo hoo. Ba kgona ho fetisetsa leihlo, ho tswa ho motho ba le kenyeho e mong; ho ntsha dikgolenyana tseo, mme ba ntsho leihlo bohobolokwaneng ba motho ba le fetisetse bohobolokwaneng ba motho e mong, mme motho eo a kgone ho bona ka leihlo leo. Ke ntho e babatsehang eo.

⁹³ E ne e ye e re, ha mme, ha a le makgatheng a ho beleha lesea, mme e—e lesea le sa kgone ho hlah, o ne a—o ne a sebetswa tjena, lesea le ne le sa hlahe: mme le lesea, bobedi, ba ne ba e shwa. Ho ne ho lokile. Empa ke ka sewelo le ne le e utlwa, ho ne ho fapane, mohlomong e sa etsahale. Empa kajeno ba ka nka mme kamora ho kena makgatheng a ho beleha lesea, mme ha eba, ha mme a se a atametse di—di nakong tsa ho beleha, le a bona, ba ka isa mme eo phaposing mme ba mo fe anestetiki, mme ba ntsho ngwana eo, a belehe ka mokgwa wa tlwaelo, ba nke lesea. Re ananelo seo.

⁹⁴ Mpolelleng tsamaiso e le nngwe. O ka kgina velefe ka ntle mona tulong e nngwe, morerong ona wa metsi motseng, mme o shebe se etsahalang velefeng e kgolo. A tla e qhomisa.

Empa, leha ho le jwalo, re ka poma leoto, ra poma sephaka, mme, ka mohlolo wa Modimo, O tla potisa madi ao ka mokgwa o itseng, ka nako ya motsotsvana, le ho a potlakisa ka tsela e nngwe. U pholosa bophelo ba motho. Ke mang ya ka etsang hoo? Mpolelle.

⁹⁵ Ak'o kgaole mothapo, kgaola mothapo o moholo wa metsi ntle mona, nakong eo a nts'a pompuwa a tswa velefeng. A tla etsa'ng? Ak'o e leke hang mme o fumane se etsahalang. Ha ho mokgwa wa ho a potisa ka tsela e sele. A tlamehile ho qhoma morao kwana velefeng.

Hola Modimo a sa etsa tsela ya hore madi ana a ipotise, ka ho apanya ha leihlo, ho kgutlela ha wona hang pelong o tla be o shwele. Nako le nako ha o seha monwana wa hao, e ne e tla ba lefu, la ho panya ha leihlo. Nako le nako ha o kgaola tulong e nngwe, mothapo o ile wa buleha kapa ntho e nngwe, e ne e tla ba lefu, ka ho panya ha leihlo. Monwana wa hao o kgaoha, o ne o tla shwa. Ke phetho. A ne a tla phatloha a kgutlele pelong ya hao hape. Mme a o bolaye. Empa Modimo . . .

⁹⁶ Jwale, re nahana hore ho a babatseha. Re nahana hore ho a babatseha. Mme re ananela kamoo mahlale a seng a kgon, ba ka tlama methapo eo le ho thibela ho dutla madi. Ho kgabane ruri. Empa Ke Mang Ya radileng hoo? Le a bona? Re sheba popo mme re lebala Mmopi wa yona. Le a bona? Re shebile dintho tsa tlhaho, mme re lebala di-di ntho tsohle tsa moy. Ke seo re se etsang.

⁹⁷ Jwale, baporofeta ba Modimo, ba na le Lentswe la Hae. Ke ka hona batho ba ba dumelang.

Ke ka hona Modimo o itseng ho Moshe, O buile morao mono ho Genese, hangata, ho Exoda, hohle, "Ha ho fihla hara lona, motho wa moy kapa moporofeta, jwale dintho tsee re tla di tseba jwang?" A re, "Ekare ha a bolela taba mme e hlaha, a bolela taba, e hlaha, jwale le e dumele." Le a bona? Eo ke pontsho.

⁹⁸ Ka baka leo O fana ka Lentswe la Hae, e seng ho baetapele, e seng ho babusanosi, empa ho baporofeta. Khrushchev ha se pontsho ho lefatshe. Tjhe, monghadi. Hitler e ne e se pontsho ho lefatshe. Empa kae-kae, sebakeng se seng, Modimo o na le moporofeta ya ikokobediteng ya emetseng hora. Ke pontsho. Ke yona pontsho e tla ahlola lefatshe le e tla pholosa Kereke. Moporofeta!

⁹⁹ Elia e ne e le pontsho tsatsing la hae, moporofeta Elia. Ho . . .

E ne e le—e le pontsho ya Lentswe la Modimo, kahlolo ho Egepete le twelo ho Iseraele, haeba ba ne ba batla ho mo dumela.

¹⁰⁰ Tsatsing leo la sebe la Elia, mohla Iseraele yohle e ne e hlobohile Modimo, ba ne ba kgutletse sebeng. Ba se ba lebetse taelo. Ba se ba lebetse ho nntshwa ke Modimo, le Jehova e moholo ya phetlileng Lewatle le Lefubedu, le ho ba ntsha Egepete, le moporofeta e moholo ya kang Moshe hara bona. Ba se ba e lebetse.

Re a e lebala. Lona Methodists le lebala John Wesley. Lona Lutheran le lebala Martin Luther. Lona Baptists le lebala John Smith. Bongata ba rona re lebala Charles Finney, e moholo hara bona bohle.

¹⁰¹ Ho thwe dipheresente tse mashome a robong le metso e supileng tsa meya ya Finney di ne di tshwarella. Diperesente tse mashome a mahlano tsa Moody di ile tsa ngala selemong. Mme tsa Wesley, sehlopha sa kgalalelo, e le tse ngalang mochaochele. Empa Finney a ba le dipesente tse mashome a robong le supa. Seeshana, mothwana, ya moketa, thaka le lefatla o ne a nyolohela sefaleng mme a shebe hodim'a phutheho eo, *jwalo*, mme banna ba akgehe, hoba tsatsi le leng a kile a dula dihlahleng ho fihla Moya o Halelalang o mo tshwara. A etsa hono. E ne e le pontsho ya pheletso, dilemong tse ka bang makgolo a mabedi tse fetileng, ya tsoseletso e kgolo eo Wesley le bao ba neng ba e tshwere, mme kahlolo e ne e fihla.

¹⁰² E ne e le pontsho, moloko o mofebi oo. Le ka moo Elia a na ka ema mono, a hloka tshabo mme a le thata, ka boyena, ho se motho ho yena, empa e ne e le pontsho ya Modimo.

Tsamaiso yohle ya boruti keha e imatahantse le Akabe, ka mokgwa wa sejwalejwale. Ba se ba kene sejwalejwaleng molokong oo. Empa kamoo Akabe wa kgale, Akabe wa kgale, le maruo a hae wohle a maholo, mme hoo ha kenya kereke yohle Bokatol-...kapa, e sang Bokatolike, empa ntho e batlang e tshwana: ho kena medimong ya bohata. A ba fihlisitse moo ba neng ba tenyetseha. Ba bang ba ka rapela ka tsela *ena*, mme e le tokoloho feela, “Le ka etsa seo le se batlang.” Mme ba kena maemong a kang ao.

¹⁰³ Le kamoo Elia a na eme mono, ka sebete, ka HO RIALO MORENA. Oho Modimo, re fe banna ba kang bao. A sa tshabe ho borella Jesebele ka maemo a hae. A sa tshoswe ke Akabe. A sa tshohe hore o ne a fosa. A ema ka sebete, mme a nyolohela ho Akabe, le ho re, “Le phoka e ke ke ya lala pele ke e bitsa.” Amen.

¹⁰⁴ E ne e le eng? Pontsho ho moloko oo o mofebi. Na Israele e bone? Tjhe. Ba mo tsheha, ba mo tloka.

A noha komello e tla hlaha, hore ho tla hlaha—ho tla hlaha koduwa, tlala, sekoboto. Mme a porofeta ka sebete, a eme a nnotshi, ka HO RIALO MORENA. Ho re, “Morena, ba bolaile bohole ba lokileng. Ba ba bolaile bohole. Ke setse ke le mong, ke eme Lentsweng la Hao.” Bothata e ne e le bofe? Lentswe la Modimo. Elia o na batlile ho ema le Lentswe. E ne e le moporofeta wa nnete.

¹⁰⁵ Baporofeta ba bang ba ne ba itse, “Oh, be, ha e etse phapang e kaalo. Jehova ha a tsotelle, le a tseba.”

Jehova o a tsotella. E ka kgona e be Lentswe la Hae. Mme Elia a ema ka sebete Lentsweng leo, ka HO RIALO MORENA. Modimo wa mo fa sephirinyana, tsatsi le leng. A re, “Ke na le dikete tse supileng, Elia, tseo o di paketseng, ka ntle mona. Ha ba na sebete se lekaneng ho tswa le ho e tseka. Ba ipatile dihlahleng. Empa, leha ho le jwalo, pelong tsa bona, ke bahlanka ba Ka. Ha ba ka ba kgumamela Baalime. Ba tshabana le ho e etsa. Empa, Ke o fa pontsho, mme wena o pontsho. Ema ka ntle mono, mme o eme Lentsweng la Ka. Ke tla o baballa. Ba fe pontsho.” Alleluia!

Modimo, re romelle ntho e kang eo, e tla ba pontsho ya Lentswe la Modimo. Mme tshepiso ka nngwe eo Modimo a e tshepisitseng e tla tshehetswa ka hara motho eo, hoba ke pontsho, pontsho e lebetsweng.

¹⁰⁶ Oh, ba hopola, kahobane Akabe e ne e le morena e moholo mme ditjhaba tsohle di mo tshaba, ho ne ho lekane. Empa Elia e ne e le pontsho ya Lentswe. Ke moporofeta wa nnete eo, pontsho ya Lentswe. Jwale yare e sa le pontsho ya Lentswe, ba se ke ba dumela ho yena. Ba ke ke ba mo sebedisetsa letho.

¹⁰⁷ E ne e le pontsho ho mohlolahadi, mohla Modimo o no o mo theola Thabeng ya Karmele, ho tswa... hodimo molatswaneng wa Kerithe. Ho mo romela tlase mono, hoba a feptjwe ke makgwaba, mme molatswana o tjhele. A theohela tlung ya mohlolahadi enwa. Ke sebaka se se jwang ho romela moreri ho sona! Empa A theohela mono hoba Modimo a mo laetse ho ya. Empa A theohela tlase mono. Ho re, “Ke mo laetse ho o fepa.”

¹⁰⁸ Mosadi o loketse e be e ne e le pontsho. Monna o loketse e be e ne e le pontsho. Eitse, a sa le ka ntle mono, a ena le phoho e lekaneng ho etsa senkgwa se le seng, mme yena le moshanyana wa hae ba se je. Lefiso le lekaneng ho... Le oli e lekaneng ka lefisong, e le mafura, a tsamayang le yona. A re, “Ke tlide mona ho rwalla thutswana tse pedi.”

¹⁰⁹ Hoseng hoo ho nyarosang, ho tjhesang, ho chachetsang mohla thaka la motsofe le mohwete sefahlehong, moriri o moputswa o lepella mokokotlong wa hae, a tswelang mono, mme hloho ya hae e lefatla e phatsima, a ikokotlela ka keiti, a re, “Mphe metsana,” le ho re, “hape, o ntliisetse bohashana ba phoho ka letsoho la hao, senkgwa.”

¹¹⁰ A re, “Phofo ya ka ha e a lekana. Ke tlie kwano mona jwale, ho thonaka dithupa tse pedi, ho etsetsa mora wa ka senkgwa. Ke na le e lekaneng feela ho etsetsa nna le yena. Re tla se ja re ntoo shwa.”

¹¹¹ A re, “O se tshohe, hoba, HO RIALO MORENA.” Ke monna eo re mo hlokang. E ne e se, “Jwale, e ka *nna* ya etsahala, kgaitseidi. E ka *tshohe* e hlaha. Ha ke tsebe.” Tjhe, tjhe. Elia o ne a tiile. “HO RIALO MORENA. Faki ha e ka ke ya fokotseha, esita le lefiso ha le ka ke la omella, ho fihlela tsatsi leo Modimo o nesang pula lefatsheng.” Amen. Ke moo he. E tlamehile e be ebile pontsho e lekaneng ho yena.

¹¹² O emetse kereke ya kajeno. Hoba Elia a dule le yena nakwana... A fumana moshanyana e monyenyanne. A kula. Lefu la hae la tloka hoo moyo o sa kang wa hlola o sala ka ho yena. A shwa. Yaba o etsa'ng? Kereke e se e bone dipontsho tseo. Empa, eng, hang feela ha koduwanyana e fihla, kapele o se a batla ho qosa kereke ka yona. A batla ho qosa Elia. A re, “Wena monna wa Modimo, jwale o tlie kwano ho nkgopotsa dibe tsa ka le ho nka bophelo ba mora wa ka.”

¹¹³ Elia a nka mora, a nyolohela phaposing e ka hodimo moo a na robala hodimo mono, a mo robatsa diphateng tsa hae, a ikotlolla hodima lona, ho re, “Morena Modimo,” alleluia, “ako kgutlise moyo wa moshanyana enwa.” Mme lesea la phaphama.

¹¹⁴ A le nka a theoha. Mosadi eo a sheba lesea, yaba o sheba monna eo, a tseba ke hona hoba ntho e nngwe e ne e le teng mono. A re, “Ke tseba ke hona hobane Lentswe la Modimo le dutse molomong wa hao.” Amen. E ne e le pontsho ho mohlolohadi eo. Hoba a bone matla a Modimo, Ya phedisang kapa ya ka bolayang, a tsosetsa lesea la hae le shweleng bophelong, a re, “Ke tseba ke hona hobane o monna wa Modimo.” A e tseba.

Kajeno ditjhaba di ka e tsheha, jwalokaha ba entse mohlang oo. Ba ne ba hana ho e dumela. Empa mosadi eo o ne a tseba ntho e fapaneng. E ne e le pontsho mohlang oo, kaha monna e ne e le pontsho, ya ho tsosetsa mora wa hae ya shweleng bophelong. Baporofeta bao ke dipontsho tsa Modimo ka mehla.

¹¹⁵ Mohla Elia a na a memela makgaolakgang, ho re, “Ha Modimo e le Modimo, le Mo sebeletse. Ha Baale e le modimo, le mo sebeletse.”

Ana e ne e sa tl'o ba tsatsi le babatsehang ho Elia kajeno? Ha dipolotiki e le modimo, le di sebeletse. Re fumana'ng dipolotiking? Re entse'ng? Ha re fumane letho ha e se totoma ya sebodu. Ha re na letho.

Empa re batla re lahlehetswe ke ntho ka nngwe, motswalle ka mong eo re neng re ena le yena, hara ditjhaba. Mona, veke

e fetileng, re lahlehetswe ke ditjhaba tse pedi kapa tse tharo hape bokomonising. Re lefisa batho lekgetho mme re nka tjhelete ya bona, ho e romela koo ho fepa batho ba fetohelang ho bokomonisi hang ha ba tsitsa. Ke boikaketsi. Ke nnate.

¹¹⁶ Re ipolela re le Bakreste. A re ke re tshwaneng le Bakreste, ke hona, e seng ka ho fepa dintho tseo jwalo. Hoo ho na le nthwana e—e... Motho mang le mang ya pelonolo a ka etsa hoo. Ke borapedi boo. Hase pholoso.

Batho ba bangata ba dubakanya borapedi le pholoso. Borapedi ke ho fepa bahlolohadi le mafutsana, le tse jwalo. Ke borapedi boo. Empa pholoso ke Tswalo e ntjha, ho tswalwa labobedi. Hoo ho fapane. Borapedi, boMohammed ke borapedi. Ho na le borapedi bo bongata.

¹¹⁷ Jwale, hodim'a Thaba ya Karmele, mohla a memelang makgaolakgang, mme a bitsa Akabe le baptista ba dikete e le ditho tsa tempele ya phutheho tsa bona tsa bodumedi. A ba nyollela Thabeng ya Karmele, ho re, "Nyolohelang kwano. Kopanang le nna hodimo mona. Ke tla ema kgahlano le sehlopha sohle." A etsa'ng? A e-na le HO RIALO MORENA. A sa tshabe. A re, "Nyehelang pholwana. Bitsang ho Baalime. Modimo o arabelang ka mollo e ke e be wona Modimo."

¹¹⁸ Ka hona, letsheare lohle, ho qala hoseng ho isa ka morao ho tinare, ba qhomela hodim'a aletare. Ba itlhhabaka. Ba meketsa. Ba hweletsa. Elia a ya pele le morao, a re, "Hweletsang haholo. Ekaba mohlomong o kene leetong la ho tshwasa dihlapi, kapa ntho e nngwe. E ka ba o tswile ho phalla, kapa ntho e nngwe."

Hoba, a ne a tshwere HO RIALO MORENA. O ne a kgotsofetse. O ne a tshwere Lentswe la Modimo.

Moena, kgaitsemi, motho o hlokang haese tshepiso ya Modimo? Modimo o itse O tla e etsa. Ke Abraham. O badile Modimo a kgona ho phetha seo A buileng ka sona. A tseba hoba Modimo a ka e etsa, hoba Modimo a itsalo.

¹¹⁹ Ka hona a—ka hona a ba biletsha ho nyolohela mono. Mme ka hona ba itlhhabaka, mme ba hweletsa ba hlodiya letsheare lohle, ho isa nako ya sehlabelo sa mantsiboya. Yaba, Elia, hlokamelang kamoo a e sebeditseng kateng. Ntho ya pele a e entseng e le ho thetha majwe a leshome le metso e mmedi mmoho.

Modimo ha o a arohana. Diphutheho tse hlophilweng di arola dikereke, empa e seng Modimo.

E mong a re, "Na o Mokreste?"

¹²⁰ "Ke Mobaptist." Ha e fete ho re ke kolobe.

¹²¹ Ho re, "Ke Momethodist." Be, ha e fete le kolobe, hape, ho Modimo.

¹²² Ke re, na o Mokreste? Ho ba Mokreste, o tshwanetse ho tshwana le Kreste, boModimo bo ahileng ka ho wena, ka Moya

o Halalelang, o kang o tsholohileng ka Tsatsi la Pentekosta. E seng tshisimoho e itseng, empa ke bolela Pentekosta ya mannate. Le a bona? Hantle.

¹²³ “Ke Mopentekosta. Ke Oneness. Ke—ke botrintase. Ke...” Oh, banna! Ha ho fetise le ho ipolela o le hore-ho-itseng. Ha e bolele letho ho Modimo. Hoo ho a arola.

¹²⁴ Ke se etsahetseng tlase mono hara mokgatlo oo wa bodisa. Empa Elia a thetha majwe ana a leshome le metso e mmedi mmoho, ho bontsha hobane Modimo ke Modimo o le mong hodima bona bohole. A a thetha mmoho.

¹²⁵ Ka hona, eitse hobane a a bokanye jwalo, a hlaba pholwana mme a e rapalatsa aletareng, hodima patsi. A re, “Jwale, ho tiisa hore ha ho thetso mona, e yang le nkgelle difaki tse leshome le metso e mmedi tsa metsi.” Mme hantle-ntle a ina patsi eo metsing. Oh, alleluia! A batla ho bontsha hore Modimo e ne e le Modimo. Hobane, hobaneng? O ne a tshwere HO RIALO MORENA. E ne e le moporofeta. O ne a tshwere Lentswe la Modimo.

¹²⁶ Ka hona, mohlang oo, ha ba re ba tla o lahlela ka ntle ho kereke, ba tla etsa *sena*, se *seng*, ha o kolobetswa ka Lebitso la Jesu, le dintho tsena tsohle tse fapaneng jwalo: mepoto. Ke HO RIALO MORENA.

¹²⁷ Motho ya ratehang, phirimana e nngwe, o ile a bua le nna, a tla a nkopela ka matsoho a hae, le ho re, “Moena Branham,” ho re, “ke batla ho o kopa ntho e nngwe.” Ho re, “Ha o ka qeka ha nyenyanee feela, ka nthwana ena eo o buang ka yona.”

Ka re, “Eng?”

Ho re, “Kolobetso ena yohle.” Ho re, “Dikereke tsa Chicago le ka mathoko di o batla haholo, empa ba tshabana le hore o tla bua ka ntho eo.”

¹²⁸ Ka re, “Ehlile, ke tla bua ka yona. Ruri, ke tla bua ka yona.”

Ho re, “Be, ke yona feela ntho eo ba nang le yona kgahlano le wena.”

¹²⁹ Ka re, “Etlaba ha ba kgahlano le nna. Hase nna Ya E buileng. Modimo o E buile. Ke phephetsa mang feela wa bona ho tla paka hoba e fosahetsese.” Le a bona?

¹³⁰ Ho re, “Be, o a bona, o—o loketse ho dumela mme o thee setswalla.”

Ke yona ntho eo ba neng ba batla hore a e etse. Modimo ha o qeke. Tjhe, monghadi. Ha A qeke.

A re—a re, “Jwale, Moena Branham, ke batla ho o botsa ntho e nngwe. Na Lengeloi la Morena...” Ho re, “Rona bohole re dumela Lengeloi la Morena. Na ke Lengeloi la Morena le o boleletseng See?”

¹³¹ Ka re, "Ha ke tsotelle seo Lengeloi la Morena le ka se buang. Ha E ne e le Lengeloi la Morena, Le tla bua Seo. Empa ha Le buile ntho e kgahlano, E ne e se Lengeloi la Morena." Ka re, "Ho sa tsotellehe seo Lengeloi, kapa ntho e nngwe esele e se buileng, Pauluse o itse, 'Leha Lengeloi le tswang Lehodimong le le bolella Evangedi e sele, le rohakwe.'"

¹³² Mangeloi le motho e mong le e mong, ntho e itseng e iphafang ya nama, e buang ka Mangeloi. Joseph Smith, Brigham Young, le mekga yohle e fapaneng, ya Masabbatha le ntho e nngwe le e nngwe e sele, ba bona dintho tsohle tsa mefuta tse kang tseo, empa di kgahlano le Lentswe kamehla.

¹³³ Empa, Modimo o tshehetsta Lentswe la Wona. Ke Lentswe la Wona. Ka re, "Ke Lentswe la Morena. Ehlide. Sohle seo nkileng ka se tseba ke se rutilwe ke Yena. Ha ke eso ye kolesheng ya thupello kapa sekolong. E tswa ho Yena." Ka re, "Hore e ne e le kgahlano na... Ha e ne e le kgahlano le Hoo, nke ke ka Mo dumela. Hoba, hoo ke Lentswe la Modimo, le tla pele. Tsohle e be leshano." Lentswe la Modimo, dulang le Lona.

¹³⁴ Ka baka leo, Elia, hoba a qete, a kolobisa dithupa tseo ka nneta, ka difaki tse leshome le metso e mmedi tsa metsi. Ho di tshela hodimo mono. A tswa mono, a phutholohile kamoo a na ka kgonna. Hobaneng? Modimo a ke ke a bua leshano. Modimo o mmoleletse. A re, "Morena Modimo wa Abrahama, Isaaka, le wa Israele, ho ke ho tsejwe tsatsing lena hore O Modimo, le hoba nna ke mohlanka wa Hao. Mme ke entse hona ka taelo ya Hao, hoba ke HO RIALO MORENA. Ke entse hona hoba O ntaetse ho e etsa, hoba ke ho latela Lentswe la Hao. Ho ke ho tsejwe hoba O Modimo."

Mme Mollo wa Morena o a theoha, wa tjhesa setjheso, dithupa tse kobileng tee-tee, wa tlabola mafika, le ntho yohle, mme wa nyameletsa ntho yohle. Yaba Israele e a hweletsa, dikete tse supileng, "Modimo e ke e be Modimo."

¹³⁵ Elia, ho babatseha hakakang ho bona mmejana oo, wa kgale, o fokolang, o mosesane o maswebe, molangwana o le letsohong la hae, lefisonyana la oli le leketla lephakong la hae, a thatetswe ka letlalo la nku. Kgele, ba ne ba tla mo hlahlela chankaneng kajeno ha a ka tsamaya seterateng; empa ba dumella basadi ho apara marikgwana; empa ruri ba ke ke ba etsa seo, le a bona, ka tsela eo, ho tla jwalo. Ka baka leo, he, empa ke bana ba etla. Ke bana ba etla ba theosa, mono, ho parola leralla, ka molamu wona.

¹³⁶ Jwale, Thaba ya Karmele ha se nthwana—nthwana ya tulonyana e sebataolo e hlomilweng hara lehwatata. Ke thaba e kgolo. E a matha, e batla e etsa kgutlo e tjena, e nyolohela ntlhaneng, mme e ntoo okamela lewatle. Mme Elia le Gehazi ba ile ba mathela hodimo, qhoweng. Mme Elia a wa ka sefahleho sa hae mono, mme a qalella ho lla ho Modimo,

mokokotlo wa hae o furaletse Bophirimela, nqa letsatsi. Dilemo tse tharo le dikgwedi tse tsheletseng, esita le phoka ha eso lale. A re ho Gehazi, “Eya hlwedisa mme o shebe na o bona letho, lero le leketlile hodima lewatle.”

A ema hodima thaba ena, a shebile nqa *yane*, ho re, “Ha ke bone letho.”

¹³⁷ A dula mono hantle. “Modimo, ha batho bana ba fela ba bakile, ha batho bana ba fela ba kgutletse ho Wena, ha ba fela ba itokiseditse ho tela masawana ana wohle le ho kgutlela Lentsweng la Hao, o tla be O le Modimo, ho arabela Lentsweng la Hao.”

¹³⁸ A nke ke bue jwalo kajeno. Nkang mekgatlo ena ya diphutheho le e thuhakanye, lebalang diphapang tsena tsa diphutheho tsa mekgatlo, mme le dumelle batho ho kgutlela Lentsweng la Modimo, temeng ya ho hlaola. Nka le tiisetsa hore Modimo o ka arabelang ka Mollo o sa le teng.

¹³⁹ Batho ba ke ba bitse ho Modimo. A ho...?...ho bitswe motho. Batho ba ke ba batle moporofeta. Modimo o tla mo hloma temeng. Ke phephetsa dichaba ho etsa hoo. Wang ka sefahleho sa lona le bitse Modimo, ho romela molopolli, mme le shebelle se etsahalang. E etseng hang feela, Modimo o tla arabela. Modimo o etsa jwalo kamehla.

¹⁴⁰ Ho wela fatshe le ho re, “Modimo, e ke e be kajeno. Batho bana ba ne ba le kgahlano le Wena. Batho bana ba pshatlehile ba bopile mefuta yohle ya diphutheho tsa mekgatlo koo. Empa, kajeno lena, O Ipakile. O Modimo. Mme batho ba re, ‘Lahlang Baalime.’ Mme ke bolaile baprista bao ba dikete. Ba tlohile tseleng jwale, Morena. Ditshitiso tsohle di suthile, marako a manyenyane a neng a re arotse.”

Momethodise o rata ho tla rapela le Mobaptist; Mobaptist o rata ho kopana le Mopentekosta; ba pelo di lokileng tlase mono, dikete tse supileng tseo tse tshepehang. Empa ha ba kgone ho e etsa. Ha ba e etsa, ba kgarameletswa ka ntle ho dikereke. Ba bang ba bona ha ba tsotelle. Ba a tla, leha ho le jwalo. Ke hantle.

¹⁴¹ Empa ba ke ba heletse bohole tshekamelo tseo mme ba kopane, ba re, “Re tla lebala ditumelwana tsena tsohle mona le dikatekisima, le ntho yohle eo re e balang. A re kgutleleng Lentsweng la Morena.” Le hlokomele se tla etsahala he. Mme Modimo o tla ba hlahisetra moporofeta, ehlide O tla e etsa, ya tla ba tlisetsa Lona hantle, ha ba fela ba itokiseditse ho E amohela. Pele, ba loketse ho rapela. Modimo o lebeletse.

¹⁴² Na ha ho makatse ha e le moo Modimo a batla hore batho ba be le kabelo ho yona? Mohla Jesu a ne a sheba kotulo, O itse, “Kotulo e butswitse. Basebetsi ha ba bakae. Le rapele Morena wa kotulo,” e ne e le Yena. “Le Nthapele, Ke tle ke

hlahise basebetsi kotulong ya Ka.” Le wena o tshwanelo ho etsa karolwana. Modimo o emetse Kereke ya Wona ho bitsa ho Wona. E sa le A etsa hoo. Modimo kajeno o emetse batho ho bitsa mohlanka wa Wona ho nka kgato. Mme mohlanka a ke ke a nka kgato pele batho ba rapela.

¹⁴³ Iseraele e ne e ka sitwa ho nka kgato tlase mono, ka mehlolo le meeka, pele ba wa ka difahleho tsa bona mme ba rapella molopolli. Modimo o ne a bolokile molopolli wa Hae. Modimo o ne a ena le moporofeta ya dika-dikang hodimo mono felleng, wa mmoloka teng dilemo tse mashome a mane, a ba emetse ho itokisa, ho rapela. Empa yare ha ba loka mme ba qalella ho rapela, yaba Modimo o romela molopolli.

Modimo o tla etsa jwalo kajeno, hola feela batho ba ka kopana mmoho, ho kena thapelong. Ke hantle.

¹⁴⁴ E ne e le pontsho ho baporofeta bao ba bohata le ho Akabe, hore e ne e le mohlanka wa Modimo. E ne e le moporofeta wa Modimo. Athe hape, e ne e le pontsho ho Iseraele, hore o n'a ka kwala mahodimo kapa a phetla mahodimo, nako le nako ha a ne a batla jwalo. Ruri o ne a kgona.

Mpolelle motho ya ka kwalang mahodimo, mpontsheng ya ka phetlang mahodimo, ntle le Modimo. Mme Lentswe la Modimo, Lentswe la Modimo le dula le baporofeta.

¹⁴⁵ Mikea, pontsho ho Josafate. Mikea e ne e le pontsho ho Josafate, hore Modimo o dula a ena le moporofeta wa nnete.

¹⁴⁶ Jwale elellwang. O ne a ena le baporofeta ba makgolo a mane, Akabe, mme a bitsa baporofeta bao ba makgolo a mane. Mme ba mmolella ba le ntsweleng. Mme leha ho le jwalo, tlase botebong ba pelo ya Josafate, monna wa Modimo, a tseba phoso e ne e le teng. A tseba phoso e ne e le teng. A re, “Ha le sa na e mong hape?”

¹⁴⁷ “Ka mora hoba makgolo a mane a eme mono?” A re, “Bana bohole ke baporofeta, baporofeta ba Jehova.” Ho na le bo-bo Methodist, maBaptist, Presbeteriene, Unitarian, oho, banna, banna, matriniti, le mofuta wohle o fapaneng. “Re na le bona bohole mona, mme ba ntsweleng ba re sena ke sechaba se seholo ka ho fetisa se leng teng. Re ke ke ra tshoha letho.” Jwaloka moshanyana ya letsang molodi setsheng sa bafu, le a tseba, athe o tshohile. Le se tshwenngwe ke ntho eo ka letho.

Ho re, “Empa na ha le sa na e mong?”

Ho re, “Oh, ee, e mong o teng mona, empa,” ho re, “ke mo hloile.” Le a bona? Ho re, “Ka mehla o mpolella dimpe ka nahena. Ka mehla o bolela hobane re tla hlahelwa ke bobe.”

¹⁴⁸ Josafate a re, “Nka—nka rata ho mo utlwa.” Oh, ee!

E ne e le eng? Pontsho. Ho sa tsottelehe mekgatlo e mekae kapa diphutheho tsa mekgatlo, Modimo o sa ntse a ena le moporofeta ya dulang Lentsweng.

¹⁴⁹ Josafate o tsebile hobane ho fedile ka Akabe, hobane moporofeta eo wa nnete, Elia, e ne e ebile pontsho dichabeng, o itse, “Dintja di tla nyeka a hao madi, a tlileng mona.” Ke hantle. A tseba ha yena le Jesebele ba ne ba emetswe ke kotlo. O e tsebile. Le a bona?

¹⁵⁰ Mme Mikea, Mikea a rialo. Ba tla ho yena ba re, “Jwale, ke tla o bolella, ha o batla ho kena selekaneng se latelang, ke tla o bolella o etse eng. O dumele feela hore bareri bana bohle ba lokile. O a bona? E re ho yena, ‘Nyoloha o tsamaye.’” Le ho re, “O dumele feela.” Ho re, “Ke tla o bolella seo re tla se etsa. Re tla etsa. . . Re tla hlokomela ho o kenya mokgatlong wa rona, ha o ka etsa hoo feela, o a bona, ha o ka qeka ka dinthwana tse mmalwa feela tse na tseo o buang ka tsona. O bontshe feela, eya, o dumellane le bona, tsamaya le bona.” Huh-huh! Le nahana hobane moporofeta wa nnete wa Modimo a ka sutha Lentsweng la Modimo? Le ka hla la kgona?

“Be,” mathaka ana a re, “empa, re bone pono,” baporofeta bana ba makgolo a mane. “Re a tseba. Re baporofeta. Re a a tseba, hoba re baporofeta.”

¹⁵¹ Mikea a re, “Ha ke belaele le bone pono. Ha ke belaele le ha nyenyane, seo le se boneng, pono, empa ha e tsamaelane le Lentswé leo.” Le a bona? Amen. Ho re, “Le nna, ke bone pono.” Amen. Oh, mohau! E ne e le pontsho. E ne e le pontsho. A re, “Ke bone pono, mme ke bone Israele, eka dinku, tse qhalaneng hodima leralla, e se na modisa.”

Mme mookamedi e moholo enwa, bishopo, a nyoloha mme a mo jabela molomong. A re, “Moya wa Modimo o ile kae ha O no o tswa ho nna?”

¹⁵² A re, “O tla bona mohla o keneng tjhankaneng. O tla bona.”

Yena, Akabe a re, “Hlahlelang thaka leo tjhankaneng. Le be le mo fepe bohobe ba mahlomola, le mo fe metsi a mahlomola, ho nwa.” Ho re, “Mohla ke kgutlang ka kgotso,” ho re, “jwale ke tla mo sebetsa.”

¹⁵³ Mikea wa kgale a ema mono ka HO RIALO MORENA. A re, “Ha o ka kgutla, Modimo ha o a bua le nna.” Hum! Ke yona. E ne e le eng? E ne e le pontsho, hore baporofeta ba Jehova, baporofeta ba Modimo, ba dula le Lentswé la Modimo.

¹⁵⁴ Ha le ena le moporofeta ya reng le kolobetswe ka maemedi a “Ntate, Mora, le Moya o Halalelang,” ke moporofeta wa bohata. Ha le bua ka moporofeta hara lona, ya reng, “Ho na le Medimo e meraro,” ke moporofeta wa bohata. Ha ho Lengolo la yona. Ke hantle. Empa moporofeta wa nnete wa Modimo o tla dula le Lentswé leo. Mme ha pono ya hae e le khahlano le Lentswé leo, hase moporofeta wa nnete ya tswang ho Modimo.

¹⁵⁵ Ha ho sebaka, Bibeleng, moo motho a kileng a kolobetswa ka leemedi la “Ntate, Mora, Moya o Halalelang.”

¹⁵⁶ Shebang Pauluse, hodimo mono tjhankaneng, moJode e monyenyan, ya nko e kgopo, ya lefatla, ya robetseng hodimo mono, a hula dilemo tse mashome a mabedi, tjhankaneng ya Roma. A ngola mangolo ana. Jwale, le nahana bareri ba basadi ba ne ba nahana eng ka Pauluse, mohla a reng, “Basadi bao ba kgutse dikerekeng. Ha ke ba dumelle ho bua”? Ke nahana ba ne ba tla mo nyekwetsa melomo.

Le nahana hore dibishopo tseo di ile tsa nahana’ng, dibishopo tseo, mohla ba buang dintho tse fapaneng tsena tsohle? “Tlohela ntho *ena* mona, le *ena* mona, hohle *hona*, *hwane*? Pauluse? Mpolelleng, thaka lee ke mang, le hona, thaka lee le robetseng hodimo mono tjhankaneng?” Empa o ne a kopane le Jesu. A tseba seo a ne a bua ka sona.

Mme ho tswa seholpheng sona seo, ka mora lefu la Pauluse, qetellong ba bopa, ka seholpha sona seo sa dibishopo le dimelala, ba fihla Lekgotleng la Nicene, mme hoo ha bopa kereke ya Katolike, ho ritsetsa hole le Lentswe la Modimo. Ke hona moo ho kenang ntho ya lona ya “Ntate, Mora, Moya o Halalelang.” Ke phephetsa mang le mang, hohle, setjhabeng sefe, ho e hanyetsa.

¹⁵⁷ HO RIALO MORENA. Kolobetso eo ho sebediswang leemedi la “Ntate, Mora, Moya o Halalelang” e fosahetse. HO RIALO MORENA. Ke laela e mong le e mong wa lona, hodimo mona kapa teiping, ya eso kolobetswe ka Lebitso la “Jesu Kreste,” ho kolobetswa hape ka Lebitso la Jesu Kreste.

¹⁵⁸ Pauluse, ho Diketso, 5, robo-... kapa, 19:5, o itse, “Na le amohetse Moya o Halalelang ho tloha le dumetse?”

Ba re, “Ha re tsebe hore ebe Moya o Halalelang o teng na.”

Ho re, “Ebe le kolobeleditswe ho eng?”

¹⁵⁹ Ba re, “Re kolobeditswe,” empa e seng ka kolobetso ya Bokreste.

“Ntate, Mora, le Moya o Halalelang” hase kolobetso ya Bokreste. Ha ho Mokreste ya kileng a kolobetswa jwalo, ka Bibeleng kapa dilemong tse makgolo ka mora Bibe. Ke tumelwana ya Katholike, mme hase Thuto ya Bokreste. Mpontsheng ka hara Bibe. Ke—ke qhekanyetso. Ke tshebetso ya matemona.

Ha ke re batho ba kolobeditsweng jwalo ba jwalo. Modimo o na le batho ba bangata ka mono kajeno ba sa tsebeng letho.

¹⁶⁰ Empa, hora e fihlile, eka kgona re kgutlele Lentsweng ha eba re lebeletse Modimo ho sebetsa tsatsing lena jwaleka ha A sebeditse mohlang oo.

¹⁶¹ Ke itse ho mme mohla a na a shwa, pele a shwa. Ka re, “Mme, mohla ke ne ke eba Mokreste, ke sa le moshanyana, ka na ka batla ka batlisisa. Ka tseba hoba Modimo o no o le teng,

ho latela dipono tseo o di tsebang, le ka dintho tse hlahileng bophelong bohle jwalo.” Ka re, “Yaba ke fumana kereke ya Katholike e re, ‘Rona re kereke. Seo Bibele e se buang hase etse phapang. Re a dumela Hoo ho itoketse, empa, rona re kereke. Seo re se buang, Modimo o se tiisa Lehodimong.’ Mme ka hona, ha ho le jwalo, ba e sebetsa *tjena*. Ke mmele o mong. MaLutheran a itse, ‘Ba fositse kaofela. Re e dumela *tjena*.’ MaBaptist a re, ‘Ba fositse bohle. Re e dumela *tjena*.’ Mme ho na le makgolo a mebele eo.”

Kgele, motho o ka ba le tumelo jwang? Ke efe e lokileng hara tsona? Ho na le Ntho e le nngwe feela e lokileng. Ke ne ke sa E tsebe mohlang oo.

¹⁶² Ka re, “Mme, ke ile ka kgutlela Bibeleng mme ka fumana kamoo baapostola bao ba pele, mofuta wa kereke ya bona, kamoo ba rutileng, le dintho tseo ba di entseng. Ka e etsa hantle feela kamoo ba e entseng, kamoo Bibele e boletseng, mme ka fumana ditholwana tse tshwanang.” Amen. Tshwarelang tlhahiso ena, empa e—e motsebi wa tsela ke motsamai wa yona. Ke nnete. Ka fumana tsona ditholwana tseo ba di fumaneng. Ee.

¹⁶³ Ka hona, o ke ke wa haha tshepo nthong e nang le mekgwa e fapaneng e makgolo a robong, a yang ka *mona* le ka *mane*.

Yaba ke fumana, ka hara Bibele, hore Jesu o buile, ka sebele sa Hae, “Ekare ha motho a nka Lentswe le le leng, kapa a Le fetola, ka hara Buka ena; motho ya ka eketsang letho ho Lona, kapa a fokotsa letho ho Lona; le yena ho tla tloswa, kabelo ya hae Bukeng ya Bophelo.” Ho bontsha ha lebitso la hae le ne le teng mono, ke hantle, empa le tla hlakolwa. Oh!

¹⁶⁴ Re loketse ho kgutlela Lentsweng lena. “Mahodimo le lefatshe di tla feta, empa Lentswe la Ka le ke ke la hloleha.” E, monghadi. “Lentswe la motho e be leshano. La Ka ebe nnete,” Jesu o boletse. A re duleng le Lentswe. Eya. Oh, banna! Eya.

¹⁶⁵ Josafate o a tseba hoba Modimo o boloka, moporofeta wa nnete wa makgonthe ya dulang le Lentswe la Hae mme a sa qeke ka Lona. Tjhe, monghadi.

¹⁶⁶ O ile a dula le Lona hantle. Makgolo a mane kgahlano le yena, ka diporofeto tsa bona, hape. Empa la hae e ne e le Lentswe la Modimo, ka pontsho e tshwanang le dintho.

Mme ke re, kajeno, seo re se hlokang kajeno ke monna, moporofeta, ya hlahang hara rona, ya tla dula le Lentswe la Modimo ho sa tsotellehe se bolewang ke motho o sele, kapa seo phutheho efe feela ya mokgatlo e se buileng.

¹⁶⁷ Mikea o ne a sa fuwe tshebedisano-mmoho. Moshe o ne a sa fuwe tshebedisano-mmoho. Nowe o ne a sa fuwe tshebedisano-mmoho. Ha ho le a mong wa bona, feela, ya

kileng a fuwa tshebedisano-mmoho. E kgahlano le bona yohle. Empa ke dipontsho matsatsing a mabe pele Modimo a romela kahlolo. Mme Modimo o boloka Lentswe la Wona mme o batla Lentswe la Wona le bolokwe ke batho ba Wona. Ho bokwe Morena.

Jwale, ha ke ya ho kwaleng, metsotso e mmalwa feela jwale. Jwale mamelang ka hloko.

¹⁶⁸ “Monna a hlaha a romilwe ke Modimo lebitso la hae e le Johanne,” pontsho ya moporofeta. Le pele Jesu a fihla lefatsheng, ho Itlaleha, A roma moporofeta ka pel’A Hae. Na O entse hoo? [Phutheho e re, “Amen.”—Mong.] A romela moporofeta, Elia wa Testamente ya Kgale, o ne a porofetilwe ho tla ka matla a Elia wa Testamente ya Kgale. E ne e tla ba pontsho ya moporofeta ya hore Jesu o tla tla, hore Messia o a tla.

¹⁶⁹ Mme Johanne a tswa lehwatateng, e le pontsho ya hoba Messia o ne a le tseleng ya Hae. Mohla Johanne a ne a hlaha, Israele e loketse e be e tsebile, ka baporofeta ba bona.

Ke hona moo batho ba e fosang. Ha ba dumele baporofeta ba bona. Ha ba dumele. “Ha re dumele se boletsweng ke Petrose se ne se lokile, ka Tsatsi la Pentekosta.” Ha ba dumele se lokile. Ha ba dumele seo Pauluse a se buileng, yona ntho eo Petrose a e entseng. Ho re, “Ha Lengeloi le tswang Lehodimong le bolela lentswe le leng le sele, le rohakwe.” Ha ba dumele hono. Le a bona? Ha ba e dumele.

Mme ba ne ba sa dumele baporofeta ba bona. Hola ba tsebile, ba ka be ba tsebile hoba Esaia o itse, “Ho tla hlaha lentswe la ya howang felleng, le tla hleka tsela ya Morena.” Ba loketse ba be ba tsebile. E ne e le moporofeta, ya moholo hara baporofeta. A ba bolella, ba mpa ba hana ho e dumela. Tjhe, tjhe. A re, “Ho na le Messia ya tlhang.”

¹⁷⁰ Monna enwa e ne e le monna ya romilweng ke Modimo. Oh, moena! A se na balatedi. Modimo wa mo fa balatedi, mohlatswana, jwalo feela kaha A etseditse Elia. Modimo wa mo fa balatedi ba hae. Ha a ka a e fumana mokgatlong o itseng wa dipolotiki. A bolela Lentswe, a dula Lentsweng la Modimo, mme Modimo wa mo fa mohlatswana. Elia o ile a dula Lentsweng la Modimo. Modimo wa mo fa mohlatswana.

¹⁷¹ Monna enwa o ne a sa fuwa tshebedisano-mmoho. A se na balatedi, ho se tshebedisano-mmoho, e se setho sa phutheho e hlophilweng, a sa kope letho mme a sa tshabe letho. E ne e le Johanne. Hobaneng? E ne e le monna ya romilweng ke Modimo. Ke ka hona a ileng a ema. E ne e le Elia ya emeng mono, ho kgodisa batho hoba Messia o ne a tla tla. A re, “Ke lentswe la ya howang felleng, jwaleka ha moporofeta Esaia a boletse. Hleklang ho kopana le Morena.”

¹⁷² Keha Bafarasi bao le Basadusi ba eme mono mme ba tsekisana ka diphekga tsa bona le dintho. Yare ba sa tsekisana ba phehile kgang ka yona, Messia a hlahahantle hara bona, a ntse a tsamaya.

¹⁷³ Johanne a re, “Bonang, ke Eo.” Alleluia! Mo shebeng. O ne a Mo tsebisitse. “Ke Eo. O eme hara lona hona jwale.”

Nakong yona eo, mahodimo a rora. Jesu a kena metsing. Mme Johanne a paka, a bona Moya wa Modimo, o kang leeba, o theoha. Lentswe le hweletsa, “Enwa ke Mora wa Ka ya ratwang Eo ke kgahliswang ke ho dula ho Yena.” Oho, banna, banna!

¹⁷⁴ Johanne a re, “Jwale e ka kgona ke kokobele. Yena a phahame.” Oh, moporofeta ya mokakang, pontsho ya Iseraele! E, monghadi.

¹⁷⁵ E ne e le monna ya romilweng ke Modimo, leha ntatae e ne e le moprista. Oh, ee. Ntata'e, Zakaria, e ne e le moprista. Empa na le hlokometse? Modimo ha oa ka oa dumella moporofeta eo ho tswakana le mekgatlo ya bona. Ntata'e a ka be a mo isitse sekolong sa bona sa thutabomodimo, phuthehong e hlophilweng ya *Sekete-kete*, ba mo etse moreri e motle, le a tseba, le ho mo kwetlisa ka botlalo, le ho mo hломela ka dintho tsohle a na sa lokela ho di fumana. Empa Modimo wa se ke wa dumella moya wa hae ho silafatswa. Le a utlwisia? [Phutheho e re, “Amen.”—Mong.] A sa tl'o dumella monna eo ho tswakana le mekgatlo. E se setho sa o le mong hara yona, ho se mokga, Mofarasi, Basadusi, moHeroda, kapa seo e ka bang sona feela. Modimo o sa tl'o e dumella.

¹⁷⁶ A tswalwa ka mohlolo. E ne e le ngwana ya mohlolo. E ne e le moporofeta. Ntata'e e le moprista, empa A sa tl'o mo dumella ho tswakana le boikaketsi bohle ba bona, bodumedi ba bo-Farasi le dintho. O ile a etsa'ng? A mo isa ka ntle lefelleng a mo kwetlisa lefelleng.

¹⁷⁷ Kwetliso e kakang! Amen. A mo kwetlisa ka boitsebelo. Ke yona e kgabane, ho tseba Modimo. Mohla a tswang, a tseba hantle seo thomo ya hae e ne e le sona. Mme Modimo wa netefatsa thomo eo.

O ile a e netefatsa kae? Nokeng. Jwale, ha o ka kopanya pedi le pedi. O a bona? Hodima noka!

“Ke lentswe la ya howang felleng, ‘Hlekang mmila wa Morena, le lokise tsela ya Hae.’”

¹⁷⁸ Johanne, monna ya romilweng ke Modimo. Modimo wa se ke wa mo dumella ho silafatswa ke yona. Wa mo kwetlisa lefelleng, ke Modimo. Wa mo kwetlisa e seng dikolong tsa bona, e seng thutabomodimong ya bona. Hola A etsa, a ka be a topetswe dintho tse kang tseo ba tswang dikolong ba di fumane kajeno, dikolo tsa mefuta yohle. E seng Presbeterian

feela, Baptist le Methodist, empa dikolo tsa Pentekosta, di mpe hakaalo feela, sefe feela sa dikolo tseo tsa thutabomodimo, tse ba ntshang mono. Oh!

¹⁷⁹ Ho tla ha Hae, ho bolela Moya, wa Esaia. Ho tla ha hae, ho tla ha Johanne, ho ne ho lekantswe Lengolong. Esaia 40:3 e boletse. “Ke tla roma lengosa la Ka pel'a Ka, ho hleka tsela,” kapa, moo e ne e le Malakia 3. Ho re, Malakia 3, e itse, “O tla roma lengosa la Hae pel'a Hae.” Moporofeta, moporofeta wa ho qetela, o buile ka yena. Ntho ya ho qetela e buile ka yena. Hopolang, Buka ya ho qetela ya Testamente ya Kgale e boletse ha Elia a tla etela bana ba Iseraele pejana Messia a bonahala.

¹⁸⁰ Le itokisitse? [Phutheho e re, “Amen.”—Mong.] Buka ya ho qetela ka hara Bibebe, Tshenolo, e re supisa ho kgutlela ha hae tsatsing la qetelo, ho kereke ya Badichaba. Pontsho, ka moo ba e fosang! O porofetilwe ho kgutla hape, pejana ho ho Kgutla ho hoholo le hwa la bobedi ha Morena. Ho Mal... Ho Malakia kgaolong ya 4, le ho Ditschenolo hape, kgaolong ya 3, e re bolella a tla fihla mona matsatsing a qetelo. Yena eo, ya tla emela batho sekgeong, ka mohlatswana oo Modimo a tla mo fa wona, o tla fihla matsatsing a qetelo. Modimo o itsalo. E tla ba pontsho sechabeng sena sa Badichaba, hore nako ya sona e fedile.

¹⁸¹ Mme, le hopole, mohla a hlahang temeng, nako e atametse. A re rapeleng Modimo ho mo romela. Nako e atametse.

¹⁸² Hang hoba mosebetsi wa hae wa lentswe o fele, Messia o ile a Ipontsha. Hang ha e moholo enwa ya tla fihla matsatsing a qetelo, a qeta mosebetsi wa hae wa lentswe, Messia o tla Ipontsha. Ho tla ba jwalo. Nako e atametse, re mpe re rapele. O mpe o qale o rapele.

¹⁸³ Pontsho ya Hae e rometsweng se-Modimo mongwaheng wona e tla paka seo a leng sona. Motho ka mong o tla e tseba. Modimo o tla e paka e le mnene. O tla bontsha mehlolo le meeka eo ho eso ka ho etswa e tshwanang le yona hodima lefatshe, ka yona. Ha ke bolele ho thefuleha, ho tsukutleha, le ho bua ka dipuo. O tla tshehetswa ke Lentswe la Modimo, kamoo monna enwa a ne a le kateng. Hobaneng? O porofetetswe ho tla, ho Malakia 4 le Tshenolo 3, ka baka leo o tla tla. Ha ho letho le tla mo thibela; o a tla. Amen. O tla fihla mona. Amen. Batho ba ke ba we ka difahleho tsa bona kajeno mme ba qale ho lla ho Modimo, mme le shebe se etsahalang. Le tla mmona a hlaha ka matla. E, monghadi.

¹⁸⁴ Ho latela Lengolo, pontsho ya Molaetsa wa hae e tla ba “ho kgutlisetsa.” E tla ba ntho ya’ng e... Re tla mo tseba e le eng? Re tla tseba jwang hore ke yona e lokileng?

¹⁸⁵ Le a tseba, Iseraele e kile ya botsa taba eo, mane ho Deutronoma, kgaolong ya 20... temana ya 20, ke a kgolwa ke yona. O itse, “Re tla mo tseba jwang hobane ke yena ya lokileng?”

Re tseba jwang? Modimo o re re tla mo tseba. O tla etsa'ng? "O tla be a kgutlisetsa dipelo tsa bana Molaetseng wa mantlha wa pentekosta tshimolohong." Oh, banna!

¹⁸⁶ Pontsho e tlodiswang mahlo, pontsho ya nneta, mme ba e fosa. Ba etsa jwalo kamehla.

¹⁸⁷ Morao Kerekeng ya nneta, Molaetsa wa nneta! O tla ema a le mong kgahlano le diphutheho tse hlophilweng, ka sebete mme a sa tshabe letho, ka HO RIALO MORENA. A ke ke a qekisa phutheho efe feela e hlophilweng. A ke ke a kena-kenana le efe feela ka letho; a ke ke a honyetsa mantswe a letho. O tla be a tsepame a otlolohile Lentsweng, HO RIALO MORENA. Modimo o tla netefatsa tshebetso ya hae ya molaetsa ka dipontsho le meeka, tshenolo e kgolo ya Lentswe, le ho e tlisetsa batho. Ke letsatsi le le kakang le atametseng! Jwale ka... O tla ema jwaloka Petrose le Johanne, ka Letsatsi la Pentekosta.

Ka mora Pentekosta, moo ba ne ba tlatsitswe ka Moya o Halalelang, ho kolobetswa mono, ba ema ka hara lekgotla leo la Sanhedrine mono. Ba ema mono ka sebete sohle ba neng ba ka ema ka sona. Mohla, ba reng, "Re le thibela ho se hlole le bolela Lebitso la Jesu, hape."

¹⁸⁸ A re, "Na ho molemo ho rona ho utlwa lona, kapa Modimo? Ikahloleleng e le lona, ba sa ruteha, ba sa bala." Amen. E ne e le baporofeta. E ne e le baporofeta ba tlotsitsweng ke Modimo. E le dipontsho tsa Moya o Halalelang. E ne e le baporofeta. Ba ne ba tseba.

¹⁸⁹ Ba ne ba tshwana le Johanne hantle. Ba ne ba nyolohetse hodimo mono ka Pentekosta mme ba fumane ntho e nngwe.

Ba sa tshwane le bareri ba rona ba bangata kajeno, ka mekgwa ya bona, ho iphafa hore re na le mokgatlo o moholo hakae, re na le bongata bo bokae dihlopheng tsa rona tse kgolo. "Re eme re le mokgatlo o moholo. Re etsa mosebetsi o moholo wa boromuwa." Oho, mohau. "Oh, re na le matshwele a maholwanyane ho feta ba bang bohle." Ke eng? Ke kgulo ya sepolotiki. Ke batla le mamele hantle, metsotso e mmedi kapa e meraro e latelang. Kgulo ya sepolotiki.

¹⁹⁰ Ruri ke buile ntho e nngwe, metsotsong e mmalwa e fetileng, le tseba seo ke buang ka sona. [Phutheho e re, "Amen."—Mong.] Pontsho e porofetilweng. Ke ile ka e tlohela, ka e tlohellala lona. Le a bona? Be, e seng lona feela mona, empa le bao ba tla utlwa. E ho lona. Etsang ka yona kamoo le ratang. Le rapele, mme le bone ha Modimo o kena temeng. Le Mo shebe ha A phetha Lentswe la Hae. O lebeletse.

¹⁹¹ Hodim'a dibomo tsa atomo, le batho ba tshohile. Mme Pentagon, ha ba sa tseba hore ba etse'ng. Dipontsho tse

mohlolo sebakeng, tsa dipirinki di fefohang, le ntho ka nngwe eo Modimo a e lekantseng e sa le pele. Ke nako ya Elia eo, (o teng kae-kae), ho hlaha temeng.

¹⁹² A batho, a mohlatswana oo, masallanyana ao Modimo a tla mo fa oona, masallanyana ao a ke a bitse Modimo, mme le shebe se etsahalang. Ho tla ba le makgaolakgang a matjhaba. Ho tla fihla matla ao ba eso ka ba a bona pele. Bothata ba yona, kgetlong lena, nako e tla be e ba siile haholo mohlang oo. Menyako e tla be e kwetswe. Ka hona, le hopole, re nakong ya getelo. Rapelang.

¹⁹³ Kajeno le shebe seo re se bitsang mosebetsi wa lentswe. Re fumana'ng? Jwale, ho kwaleng, ke batla ho bua taba ena. Re fumana'ng? Ha re na letho. Ba bang ba baetapele ba rona ba baholo ka ho fetisisa, baevangedi ba rona ba baholo ka ho fetisisa; e mong wa baevangedi ba rona ba baholo o itse, "Ha nka fumana dipersente tse leshome tsa meya ya ka di tiiseditse, selemo, nka leboha haholo." Athe, hase kgale haholo ha Finney, a ne a fumana dipersente tse mashome a robong-supu tsa bona.

Pauluse o ne a fumana tse lekgolo, kopanya le makgolo, makgolo kopanya le makgolo. Ho ne ho pholoswa motho a le mong, mme, o ne a tletse hona, moena, o ne a tloha a yo bolella e mong; a bolelle motho e mong; mme yena a bolelle motho e mong; ho ya fihla dimilioneng. Hobaneng? Ba ne ba ena le ntho e nngwe. Ba ne ba dutse Lentsweng.

¹⁹⁴ Kajeno, re nahana ka matshwele a maholo feela. Ke eng? Mokgatlo wa dipolotiki. Ha re fihla, moevangedi e moholo o ye a fihle motseng, ho tla eng pele? Sehlopha sa banna, ha eba Mamethodist wohle, Mabaptist, Presbeterian, bao bohle. Ba rala mmapa o monyenyanoo, bao, "A ka rera *hona* feela, mme a ke ke a rera *hwane*. Mme a ke ke a rera *hona*, empa a ka rera *hwane*." Le fumana'ng?

¹⁹⁵ Mme ba nyolohela mono, basadi. Ke bua ka maPentekosta. Basadi ba kena ka mono, ba nyolohela aletareng, ba qalelle ho rapela haholo.

¹⁹⁶ Haesale ke le kgahlano le memo ya aletare. Nka mpa ka e bua. Ha ke dumele ho tsona. Ha ho ntho e kang eo Bibeleng. Motho a ka tla jwang Modimo a sa mmitsa? O no o ka sitwa ho mo thibela. Ha o a lokela ho bitsa letho. Modimo o mmitsitse. Aletare ke mohopolo wa Methodist. Ke hantle. Dimemo tsa aletare, ba ba nka, ho thwe, "John, o a tseba, mm'ao o ne a shwe kgale."

¹⁹⁷ "Ooh-ooh-ooh; ee, moena, ooh-ooh!" Hase tshokoloho eo.

¹⁹⁸ Masiu a mmalwa a fetileng, mona, re bile le tshupiso mane Louisville, ya mosadi ya tlisitsweng ka lekese, la bewa

kalaneng ya mohaho wa dibetsa. “Makgolo a batho,” ha thwe, “a mathela aletareng.” Evangeli hase tshoso. Hase maikutlo a kutlwelobohloko. Ke tshokoloho ya kgodiseho.

¹⁹⁹ Shebang dikopano tsena, baevangedi ba baholo bana, mme esita le mosebetsing wa ka o ithobileng wa lentswe, ha ke ipeelle kathoko. Ka dinako tse ding ke a swaba, ha ke tswa. Ke hantle. Re etsa’ng? Ho ema le ho etsa aletare le ho ba qophella. Banana ba nyolohela mono, ba hlafuna boroku bo hlafunwang, ho thwe, “Le a bona? Le a bona? Ke a ya. Uh-huh.” Basadi bana ba fihle mono, ka moriri o ponngweng le ka difahleho tse ferefilweng, Mapentekosta, mme ba kene, ba tswe, mme ba re ba buile ka dipuo. Mme ha ba hodise moriri wa bona le ka mohla, mme ba nne ba etse yona ntho eo ba e entseng. Le re ke tshokoloho eo? [Phutheho e re, “Amen.”—Mong.] Ke sesomo sa Modimo. Bibele e itse, “Ke sebe le tlolloha ba kuta moriri wa bona.” Mosadi ya pommeng moriri a ka ahlola ya tshasitseng ferefefahlehang sa hae jwang? Ba ka mpa ba e utlwa. Hora e a tla, moo selepe se beilweng motsong wa sefate. Mme sefate se seng le se seng se sa beeng tholwana e monate se a rengwa.

²⁰⁰ Molato ke’ng? Se ne se fosahetse. Kahobane, bareri ba rona ba mehla ya jwale, *bao ho thweng* ke bareri ka ntle mona, matshwele a maholo le dihempe tse hlohlilweng. Mekgatlo ha e tsebe letho ka Modimo ho feta kamoo Lehotenoto le tsebang ka bosiu ba Egepete, ha e fihla. Ba ye ba nyolohela mono . . .

²⁰¹ Hola batho ba Pentekosta ba nyolohela mono ba re, “Jwale, Jesu o re laetse ho nyolohela mona le ho dula ho fihlela re amohela matla a tswang Hodimo. Jwale, baena, re se re qetile matsatsi a robong mona, le hona. Ha re e amoheleng, ka tumelo. Jwale, re na le Moya o Halalelang. Re a tswa, hoba re ile ra dula mona. Re entse seo Jesu a re laetseng ho se etsa”? Boiphihlelo bo ka be bo le siyo.

²⁰² A nke ke le bolelle taba. Ke a tseba taba ena e teiping, empa ke ena e fihla, leha ho le jwalo. Mamelang. Ke tla le bolella taba e nngwe. Ke dihlong. Batho ba leka ho . . . Esale ke sa dumele hore Moya o Halalelang e ne e le ho “tsukutleha.” Esale ke sa dumele hore Moya o Halalelang “bopaki e ne e le ho bua ka dipuo, kapa ho lla, kapa ho hweletsa.” Tseo ke ditshisimoho tsa maikutlo. Ke dumela hobane Moya o Halalelang o ka etsa hoo. Empa Moya o Halalelang ke boModimo bo ahileng ka hare. Ke dumela hore sekgakgatha se seholo sa batho ba ipoledisang ba na le Moya o Halalelang ha ba tsebe ntho e le nngwe ka Wona. O kopana le Modimo. Jwang? Letsatsi la Pentekosta!

²⁰³ Jwale ba bua, jwaloka maBaptist kajeno, Presbeterian le maMethodist.

Nkile ka botsa, “Le a dumela le na le . . .”

²⁰⁴ “Oh, ee, re O amohela, ka tumelo.” Ka tumelo, ha ho letho! Hase Wona. Ke tshisimoho.

²⁰⁵ Le rata ho shebella letsatsi ha le dikela. Le ye le eme le shebe letsatsi le dikela, mme le lle, mme dikeledi di theohe. Hoo hase Modimo. Ke tshisimoho, e tswang nthong e ka hare ho wena. Ha o utlwela ka motho ya kulang, kapa motho ya shwang, o ye o lle mme o hweletse. Hoo hase Modimo. Ke tshisimoho ya botho. Kamoo Modimo . . .

²⁰⁶ Ke bone batho papading ya bolo, ba thaba hoo ba bebenyang melomo ya bona, ntho e nngwe le e nngwe. Le se ke la mpolella.

Re hloka tsoselsetso, pholoso. Mme maPentekosta a fihla, ba fuduhe batho, mme ba re ho bona, “Ha ba bua ka dipuo, ba na le Moya o Halalelang.” Mme ba bang ba bona ba phele mefuta yohle ya maphelo, hamorao.

Mamela, moena. Ka Tsatsi la Pentekosta, ho ne ho se jwalo. Ba ne ba sa itshetleha ka dipuo tsa letho kapa ka ntho e sele. Yare ba sa dutse mono, ba le tulong e le nngwe, ba le kgopol e le nngwe, Modimo wa theohela, ka sebele, hara bona. Ba bona, hodim’ a e mong le e mong wa bona, malakabe a Mollo, a kang ntho eo, a leketla hodim’ a hlooho tsa bona. Modimo o no o le teng mono. E ne e se letho la, “Ho e amohela ka tumelo, kapa tshisimoho e itseng.” Ba ile ba tlatswa ka Moya o Halalelang, mme ba tswa mme ba qalella ho bua ka dipuo. Empa, pele, ba ne ba kopane le Modimo.

Ke bona bothata kajeno. Batho ba a fudueha ba nkehe, tshisimoho, mme hase Moya o Halalelang. Moya o Halalelang ke boModimo bo ahileng ka hare. Mantswe a hao ke Mantswe a Hae. Ke a le bolella, seo re se hlokang kajeno, ke pitso.

²⁰⁷ Batho ba kena, basadi jwalo, ba kena, ba bue ka dipuo, ba boele ba tswe. Mme ha o fihla moo ba kenang dikereke tsa bona . . .

²⁰⁸ Eka Billy a ka be a dutse mona. Ke sa tswa amohela lengolo le tswang kae-kae tlase mono, tsatsi le leng, moo mosadi a itseng, “Ke setho sa ntho e itseng, e kgolo,” mokgatlo o moholohadi ka ho feta wa maPentekosta, mokgatlo o moholo wa matrintase. Ba re, “Basadi ba rona bohole, Moena Branham, bohole ba kuta moriri wa bona. Ke ne ke ena le moriri o motsho o molelele.” A re, “Esale ke o rata, hoba ke dumetse e ne e le wa Morena.” Ho re, “Ha ke eso tshase meikapo le ka mohla. Kereke ya rona e ruta ha e le ntho ya mehleng ya kgale.” Ho re, “Ba re ho nna, ha ke thatetse moriri wa ka seshoba, ka morao, ho thwe, ‘Hlokomela, lebidi la hao la ka morao le pantjhile,’ le dintho tse kang tseo tsohle. Ho re, ‘O jere lebidi, lebidi le pantjhileng ka mora hlooho ya hao.’” Le ho re, “Qetellong, monna wa ka a re, ‘Hobaneng o sa kute moriri wa hao mme wa tshwana le bona kaofela.’”

Jwale ke tshwere lengolo le kgutlelang ho yena.

O ile a re, “Athe ho jwalo? Ke utlwile e nngwe ya diteipi tsa hao, hore kolobetso ea Bakreste e ka Lebitso la Jesu Kreste.” Jwale, le tseba seo a tla se fumana. Le reng? [Phutheho e re, “Amen.”—Mong.] O ile a re, “Mpolelle, Moena Branham. Ke lapile. Ke batla ho tseba seo ke se entseng.”

²⁰⁹ Ke tl'o re, “Dihlong ka mongala eo wa monna wa hao. Le ka sehlopha se hlokang borapedi seo o rapelang le sona, tswa hara bona.” Hantle. Modimo a ke ke a fetoha. Ha Modimo a bua taba, O tile ka yona. Ha ke tsotelle ke mengala e mengata hakae ya bareri ba batlang ho qeka, ho fumana mokgatlo o moholo kapa sehlopha. Re hloka batho ba bolelang pholoso. Banna ba emang mme ba dumella basadi ba bona ho etsa tse jwalo, ke na le tshepo e nyenyane boiphihlelong ba lona jwaloka Bakreste. Hantle. Ke pako, kapa ke lefu! Jo, nna!

²¹⁰ Ho kena ka mokgwa oo, ho ngodisa dikerekeng, dikereke tsa Pentekosta, ho boela o tswa o sa fetoha le hanyenyane; ho dula o itshwanela, o sa sisinyehe le hanyenyane. Oho, mohau. Ke eng? Bo-Jesebele ba mehla ya jwale. Mosadi o mong feela ka hara Bibebe ya kileng a itaka sefahleho, mme Modimo wa mo fepa dintja. Bo-Jezebele ba mehla ya jwale ba hulanyang bo-Akabe ba bona ka molala wa hempe, monnana ofe feela ya sadifetseng ya dumellang mosadi wa hae ho etsa jwalo, ho tena marikgwana le dintho, mme a tswele ka ntla seterateng mme a apara mese eke soseje e kgamotsweng ka letlalo jwalo. Le ho tsamaya....Ha ke e bue e le motlae. Hase sebaka sa motlae sena. Lena ke Lentswe la Modimo. Le lokile. Hantle. A theosa ka seterata, a apere, mose o tiileng hona, a sitwang ho tsamaya. Ere, ha monna e mong a etsa tlhahiso ka yena, homme o batla ho mo lwantsha. Ekare o hloka ho jabelwa ditlhaha, ke hantle, ka ho mo dumella ho e etsa. Ho bontsha seo o entsweng ka sona. Ke hantle haholo.

²¹¹ Seo re se hlokang ke Evangedi. Modimo, hlahisa temeng motho ya khutletseng Lentsweng hantle. Modimo o itse ha se le ntho e tshwaneleheng ha mosadi a ya kerekeng mme a rapela ka moriri wa hae o ponngweng. Mme mosadi ya kutang moriri wa hae, ke...monna o na le tokelo e phethahetseng ya ho mo hlala. Ke mosadi ya tlolloleheng. Bibebe e boletse jwalo. O tlollolla monna wa hae. Mohlomong ha a e tsebe. Mosadi ofe feela ya aparang marikgwana o a tlollolla. Mohlomong ha a e tsebe. Mofumahadi, ha ke leke ho o utlwisa bohloko. Ke leka ho o pholosa letsheng la mollo, le dihele. Baka!

²¹² “Oh,” o re, “ke na le Moya o Halalelang.” O ntso itshwara jwalo, ka Modimo a ahile ka ho wena, wona Modimo o o laetseng ho se etse hoo?

²¹³ “Oh,” o re, “ke buile ka dipuo.” Ke bone batemona ba bua ka dipuo. Ke bone, Afrika, ho nwellwa madi ka hara lehata la

motho, mme ho buuwa ka dipuo mme ho bitswe diabolosi. Ka etela diahelo tsa baloi le baphaphi, moo ba buileng ka dipuo ba be ba e toloke. Ke bone dipotloloto di robetse hodim'a tafole mme di ngola ka leleme le sa tswejweng, mme ho tle motho, a le toloke. E ne e le nnete. Le se mpolelle ka dipuo. Re di fumana di le ngata hona jwale.

Leha ho le jwalo, ke dumela hore Modimo o na le puo e sa tsejweng. Ke a dumela Modimo o bua dipuo tse sa tsejweng, empa o se ke wa itshetleha mono. Pauluse o boletse, "Leha nka bua puo tsa batho le tsa Mangeloi, mme ke se na Moya o Halalelang, ha ke letho. Leha nka suthisa dithaba..."

²¹⁴ Batho ba bangata ba lekang ho re, "Oh, *enwa* ke monna e moholo wa Modimo. Ekare le ka bona mehlolo e meholo." Kgele, matemona a fodisa...

Matemona a ye a tswe mme a etse dintho tse kang tseo. Ke tseba baloi ba tswang, le dintho tse kang tseo, a ikgatlide ka sekgatla *jwalo*. Mme ba kenyé chelete ka hare. A hlothe moriri ka mora hlooho ya hae, a o shobe a o ine mading a o lahlele ka hare. Mme batho bao ke batho ba tshepehang, ba dumelang. Hase motho eo. Ke batho bao ba dumelang hore ba atamela Modimo, ka moloi eo.

²¹⁵ Na Jesu ha a re, "Ba bangata ba tla tla ho Nna ka letsatsi leo, le ho re, 'Ke ile ka tshwara matsholo a maholo a pholiso'?"? Eo hase pontsho. Ke pontsho ya hore re pheletsong. Na Jesu ha a bolela, ho Mattheu kgaolong ya 24, mohlomong temaneng ya 24, hape, 24:24? Mme O itse, "Ho tla hlaha baporofeta ba bohata matsatsing a qetelo mme ba tla etsa dipontsho tse kgolo ho ka thetsang le bona Bakgethwa hola ho ka etswa." Empa Bakgethwa ba eme Lentsweng. Ba tseba seo pontsho ya nnete e leng sona.

²¹⁶ Motho a ka kgona jwang, ho etsa dintho tsena, a latola Tumelo ho Modimo, a re ke moporofeta ya tswang ho Morena? Motho a ka hla a kgona jwang?

E ka nna ya ba moporofeta, jwaloka bao tlase mono mehleng ya Akabe le Josafate, mohla Mikea a ne a ema. Empa ba ne ba na le ya emeng Lentsweng tlase mono, Elia. Lentswe la Morena le ne le ngotswe, hore Akabe o tla fihlela pheletso ya hae, mme pono ya Elia e ne e tsamaelana le seo.

²¹⁷ Mme monna ofe, monna ofe ya ipitsang motho wa moyo kapa moporofeta, o tsebisisa hanfie hore Lentswe le leng le le leng la *Hona* le lokile. E ka ba motrintase jwang? A ka kolobetsa jwang ka lebitso la "Ntate, Mora, le Moya o Halalelang," mme a re o tlotsitswe ka Moya? A ka ruta batho phoso eo jwang, mme a ntse a tlotsitswe ka Moya? Ho ke ke ha etsahala. Hase ntho e ka etswang.

²¹⁸ Ke a elellwa hase polelo e ratwang eo. Empa ha re batle ho ratwa. Motha o batla ho tshephala.

Jwale, Jesebele le boAkabe. E, monghadi.

²¹⁹ Hobaneng, hobaneng ba e etsa? Hobaneng basadi ba etsa, ba dula ba pomme moriri wa bona, mme ba tshasa meikapo, mme ba tswa ba tenne marikgwana le dintho tseo nakong eo banna ba fetang, le dintho tse jwalo, banna ba bona ba etsa jwalo? Hobane ha ba na moporofeta wa nnete sefaleng sa bona, ho ba bolellang Nnete. Ba re ho bona, “Be, ha ho a fapania. Ho itoketse. Ha o a tlameha ho kena-kenana le *hono*.” Lona!

²²⁰ Ke Lentswe la Morena. Bibebe e itse, “Mosadi ya aparang seaparo sa monna ke manyala pel’ a Modimo.” Modimo ha o fetohes. A ka fetoha jwang mme e be Modimo? Ke mohloka-pheletso.

²²¹ Ba hloka moporofeta wa nnete ya ba bolellang hore eo ke pontsho ya qetelo. Bibebe e itse ba tla e etsa. Esaia, kgaolo ya 5, e itse basadi ba tla etsa jwalo matsatsing a qetelo. Hantle. Ka hona, ke bao he.

²²² Empa ba re ba na le moporofeta sefaleng, ba tshaba Lentswe la Modimo. E seng... O tshaba phutheho.

A re rape leng Modimo ho re romella Lesedi leo la morao, Masedi ao a mantsiboya, ho re romella eo A re tshepisitseng ho mo romela, ho Kereke e kguthilweng, ya tla ba bolella Nnete, ho ema Lentsweng la Modimo. Hore boJesebele bao le boAkabe, mme ba tla ba arola. Ke hantle haholo.

²²³ Hopolang mohla basadi ba ne ba qala ba itshwara jwalo. Jwale kgutlelang morao nakwana, mohla ba ne ba qala ba poma moriri wa bona ba bile ba itshwara jwalo. Mohla basadi ba qalang ba itshwara jwalo, ke nako le ka sehla seo mohla Elia matsatsing a qetelo a lokelang ho hlaha temeng ka pontsho ya nako ya bofelo, ka pontsho ya nako ya qetelo jwalo matsatsing a Lota. Le a bona? Pontsho ya nako ya qetelo; mohla basadi ba qalang ba itshwara jwalo. Ba itshwere jwalo hona jwale. Ke nakong eo Elisha a lokelang ho hlahella sebaeng, a phophotha le ho bitsa, a kgalema mme a heletsa, hantle, pontsho ya Modimo e ntse e mo tsheheditse, a tswela pele. A ke ke a bitsa sehlopha se seholo jwale. Bibebe e itse, “Se tshohe, mohlatswana, ke thato ya Ntata lona ho le fa Mmuso.” Ke hantle. Ke hantle haholo.

²²⁴ O tlamehile ho latolwa ke bohole ntle le mohlatswana, hoba o tshwana le Elia ya nang le makgolo a hae a supileng, le Johanne ka mohlatswana wa hae. E.

²²⁵ Le bona moo re emeng kajeno? Re tlamehile ho kgutlela morao ho Pentekosta ya mantlha. Re tlamehile ho kgutlela

morao dinthong tsa Modimo. Re tlmehile ho kgutlela morao. Moena, kgaitseedi, o se ke wa thetswa boiphihlelong ba hao. Re a—re emetse hora eo.

²²⁶ O se ke wa nka feela, “Ke—ke tshepa jwalo. Ke a dumela, ke O amohela ka tumelo.” O se ke wa etsa jwalo. O kopane le Modimo, sefahleho le sefahleho, mme o tlatswe ka Moya, mme o ntoo sheba se etsahalang. Mme ha moyo o ka ho wena o thulana le Lentswe lena, o mpe o tele moyo oo. Eya o O fumane, rapela Modimo ho o fa Moya, he.

²²⁷ Mohla Moya wona o hlahang tsatsing la qetelo, E tla be e le hlokomediso kgahlano le bao, bao ba fosahetseng. Le a bona? Hobane, Johanne o itse, “Le se ke la re ka ho rona hore rona, ho re lona ‘Abrahama ke ntata rona.’” Re na le...Re a...

“Rona, bontat’ a rona e ne e le maMethodist, maBaptist, Presbyterian, kapa Pentekosta.” Le se ke la nahana la re, lona, “Modimo,” mme le bana ba Abrahama, hoba Modimo o ka tsosetsa Abrahama bana le ka majwe ana. Le se nahane ka hoba le le Pentekosta, le tla beellwa ka thoko. Le ho leka. Modimo a ka tsosetsa Abrahama bana le ka majwe ana. Ke hantle haholo. E, monghadi.

²²⁸ Boleta Lentswe la Modimo feela, ka botshepehi ba letsatsi la ho qetela, boporofeta ba hae bo jwalo.

²²⁹ Ha le ka ntumella ho phetla mona motsotso feela, e re ke le bontshe kamoo re ka fumanang kateng. Ke tshwere Mangolo a mangata a ngotsweng fatshe mona. Ke ne ke ntse ke lebisa ho wona feela. Ke batla ho le balla le leng. Ho tswa, rona, pele, ha re nkeng... Ha re nkeng Deutronoma, kgaolo ya 18, mme re tla fumana, motsotsong feela. E le feela, pele re kwala mona, ke tle ke le balle Lengolo lena. Ho Deutronoma, kgaolo ya 18, ke hantle, mme ha re boneng jwale. Temana ya 20 ya kgaolo ya 18, Deutronoma, 20.

*Empa ha e le moporofeta, ya ipeang ka boikgohomoso
hore a bolele ka lebitso la ka, taba ee ke sa kang ka mo
laela yona hore a e bolele, leha mohlomong a bua ka
lebitso la medimo e sele (bongateng), moporofeta eo a
shwe.*

Ke hantle. Semoyeng ho fedile. Ho lokile. “Moya o etsang sebe, ke wona o tla shwa.” Re na le Modimo o le mong, e seng “Medimo.”

*Ekare ha o bolela pelong ya hao, Na re tla kgetha
jwang lentswe le so...sa kang la bolelwa ke JEHOVA?*

“Re tla tseba jwang? Ba tla hlaha ba le bangata, re tla tseba jwang? Enwa o bua *sane*, le e mong o bua *sena*; jwaloka e mong ya bolelang *sena*, le e mong o buile *sane*, le jwalo-jwalo.” Jwale le hlokomele. Re a tseba.

Etlare moporofeta eo ha a bolela taba ka lebitso la JEHOVA, mme taba e boletsweng ke yena e sa hlahe, e sa etsahale, etlaba ke taba eo JEHOVA a sa kang a e bolela, moporofeta eo o e boletse ka boikgohomoso: se mo tshabe.

²³⁰ Ha Modimo o sa e bua, jwale le se e tshabe. Yona, ho itoketse, tswelang pele feelsa le be le e lebale. Le a bona?

²³¹ Jwale shebang seo re se utlwang kajeno. Tumelo ya Baapostola, tumelo ya Methodist, tumelo ya Baptist, tumelo ya maPentekosta, tumelo, tumelo, tumelo. Tumelo ke eng? Le e fumana kae? Ke phepetsa motho ho mpontsha Tumelo ya Baapostola Bibeleng. Kea kgolwa ha ho ntho e kang eo.

Haeba baapostola ba kile ba ba le tumelo eo ba itshwarellang ka yona, ke ena: "Bakang e mong le e mong wa lona, le kolobetswe ka Lebitso la Jesu Kreste tshwarelong ya dibe tsa lona, mme le tla amohela neo ya Moya o Halalelang. Hoba pallo ena e etseditswe lona."

Ha le bone moo re leng teng, metswall? Re maemong a tshosang. Ke eng? Pontsho ya nnete e tlodiswang mahlo.

²³² Jwale, lona le banna le basadi, bongata ba lona, mme le bana ba Modimo. Le se e tlodise mahlo. Hopolang re loketse ho fumana dintho tsena. Di loketse ho hlahe tsatsing lena, horeng ena eo re phelang ho yona jwale. Ena ke hora eo, pejana feelsa ho ho Kgutla ha Messia, eka kgona ho hlahe mokgosi o tswang ho Modimo.

Ha nke ke le balle wona. Ha re kgutleng ho Malakia. Ke qetellong ya Testamente ya Kgale, mme le mamele seo A se buang mona ho Malakia. Jwale re tla be re... Mamelang taba ena motsotso feelsa.

Jwale, ha le ka lemoha, Malakia 3, e re Jesu o buile ka ho tla ha Johanne.

Bonang, ke ya roma lengosa la ka, le tle le hleke tsela pel'a ka: mme hang Morena, eo le mmatlang, o tla kena tempeleng ya hae, e leng lengeloi la selekane, leo le le lakatsang: o a tla, ho bolela JEHOVA wa makgotla.

²³³ Eo e ne e le Johanne, a tumisa ho tla ha Jesu. Mme A tla tempeleng, hantle seo A se boletseng, Moromuwa wa selekane, Lengeloi le neng le le mmoho... kwana lehwatatem mmoho le—mmoho le barutuwa, kapa le Iseraele. Le a dumela E ne e le Moromuwa eo? [Phutheho e re, "Amen."—Mong.] "Be," O itse, "Ke tswa ho Modimo, mme Ke kgutlala ho Modimo."

²³⁴ Jwale, hobaneng Pauluse a ile a fuwa phatsa ya bolwetse? Ho mo kokobetsa.

Hoba Jesu a shwe, a epelwe, a tsohe hape; ka mora nako e telele, Pauluse a kopana le Yena, sefahleho le sefahleho, tseleng e yang Damaseka. (A re, “Ke tswa ho Modimo, le ho khutlela ho Modimo.”) Pauluse a sheba hodimo. Lesedi le leholo le ne le eme mono, yona Topallo eo ya Mollo. Na le tseba seo ke buang ka sona? [Phutheho e re, “Amen.”—Mong.] Yona Topallo eo ya Mollo. Mme Pauluse a bua le Yena, yaba O bua le Pauluse. Batho ha ba ka ba Mo utlwa. Ha ba ka ba Mo utlwa. Empa Pauluse o Mo utlwile. A re, “Saule, Saule, o Ntlhorisetsang na?”

A re, “O Mang, Morena?”

²³⁵ A re, “Ke nna Jesu. Jwale tsoha o kene seterateng se bitswang se Lokileng. O tla bolellwa teng. Ke na le moporofeta ya tla fihla mono ho o laela see o tla se etsa, o a bona. Le ka moo . . .”

²³⁶ Pauluse a theolwa, a kolobetswa, le ho bitsa Morena, ho amohela Moya o Halalelang.

Mme Pauluse a re, “Ke filwe phatsa ya nama, eo ke e neilweng, letemona, lengeloi la Diabolosi, le *nkwahlelang*,” moo ekare, “kwahlelo ka mora kwahlelo.” O ne a hlaphohelwa, a ntoo e fumana, ho mo otla hape. Ho re, “Ke botsitse Morena hararo, hore e tloswe ho nna, empa Morena a re, ‘Pauluse, mohau wa Ka o lekane.’” Le ho re, “Empa ka ho re esere mohlomong ka iphamisa ka boholo ba tshenolo.”

A feta hole, ka tshenolo, Petrose, Jemese, Johanne, kapa ofe feela ho bona. O Mmone ka mora hoba A tsamaye dilemo tse pedi, kapa ho feta, a eme Topallong ya Mollo, a buisana le yena. E kgolo ha kae kajeno, dilemong tse dikete tse pedi, mme O sa ntse a phela! Amen.

²³⁷ Ho re, “Ke neilwe, ke tle ke se ke ka iphamisa, ho re ‘Jwale, moena, ke le phahametse kaofela. Le a bona? Ke—ke Mmone ka mora ho tsoha ha Hae bafung, mme ke buile le Yena. Ke a . . .’ Esere ka iphamisa mono, ke neilwe ntho e nngwe, e nkokobetsang.” Eya.

²³⁸ Ke yena ya ba laetseng ho kolobetswa, hape, Lebitsong la Jesu. Ho re, “Ha Lengeloi le tswang Lehodimong . . .”

²³⁹ A re, “Ha ke a ka ka nyolohela dikelong tsa bona, hohle moo ba ne ba le teng.” Ho re, “Ha kea ka ka phakisa ka nyolohela Jerusalema, ha ba ha feta dilemo tse leshome le metso e mene.” Ho re, “Ka mpa ka theohela Egepeta, tlase Asia mono.” Mme a botsisia Morena, a dula mono dilemo tse ka bang tharo, a ithuta Testamente ya Kgale, ho bona hore e bapa le yona yohle. Yare mohla a kgutlang, ka mora dilemo tse leshome le metso e mene, a kopana le Petrose le bao, mme keha ba tshwere Evangedi e le nngwe, ba kolobetsa ka ho tshwana, mme ba etsa ntho e tshwanang. Amen. A tseba hoba e ne e lokile. E, monghadi.

²⁴⁰ Utlwang Malakia jwale, hodimo mona, Malakia 3. Jwale, ha le rata, a nke ke le hlakisetse yona, kea kgolwa. Ha re phetleng habonolo jwale ho Mattheu kgaolo ya 11. Mme re bone ha eba ke... Mohlomong ke le fositse. Ke a kgolwa ke le tshwere. Mohlomong ke tla lokela ho le sheba pele. Mattheu 11. A re boneng. Qalang mono ho:

Eitse, ha Jesu a qeta ho laela ha hae barutuwa ba hae ba leshome le metso e mmedi, a tloha moo ho ya ruta le ho bolela evangedi metseng ya naha eo.

Mme Johanne ha a utlwa hore o ne a dutse... teronkong mesebetsi ya Kreste, a...teronkong a utlwa mesebetsi ya Kreste, yaba o romela barutuwa ba hae ba babedi,

A re ho yena, Ana ke wena ya boletseng ha thwe o tla tla, kapa re sa lebeletse e mong na?

Mahlo a Johanne a ntsu a sirwa ke lelwapi, tlase mono teronkong. Le a bona?

Jesu a araba a re ho yena, E-yang...bontshe Johanne tsena tseo lona wena...le di utlwang le tseo le di bonang:

“Johanne ke moporofeta. Mme haeba a ka—haeba a ka utlwa sena, se etsahalang, o tla tseba hoba Nna ke Mang.” Le a bona? A re:

Lifofu di a bona, ...dihlotsa di a tsamaya, balepera ba ntlaufala,...ba thibaneng ditsebe ba utlwa, mme bafu ba tsoha,

“Mme mekgatlo yohle ya diphutheho e kopane?” Ha e bue jwalo, ha ke re? [Phutheho e re, “Tjhe.”—Mong.] Tjhe. Ha E rialo. E itse:

...dihlotsa di a tsamaya, balepera ba ntlaufala,...ba thibaneng ditsebe ba utlwa, mme bafu ba tsoha, mme mafutsana wona a bolellwa evangedi.

Ke eo pontsho. Shebang. “Bao ba sa tlohile...”

Ho lehlohonolo ya, eo a sa...tlo ka a kgopjwa ho nna.

Jwale shebang. “Ho lehlohonolo eo a sa tlo ka a kgopjwa Nna,” ka mantswa a mang, kapa, “‘ho swabela’ Nna. Ho lehlohonolo ya sa tlo swaba ka baka la Ka.” Le a bona?

...bao ha ba tlohile, Jesu a qala ho bolella bongata tsa Johanne, a re, Le ne le ile ho bona’ng feelleng?

Shebang moporofeta enwa jwale.

...Le ne le ile ho bona’ng lefeelleng? Na e ne e le lehlaka le tsukutlwang ke moyo na?

E seng Johanne. Oh, tjhe. “Lona madinyane a marabe hara jwang,” a bolella mekgatlo eo ya diphutheho, “ke mang ya le tshositseng ho balehela bo tlang? Le se ke la re, ‘Re setho sa *hona* le *hwane*,’ hoba Modimo le ka majwe ana o ka tsosa bana.” Oh, moena, e ne e se lehlaka le tsukutlwang ke moyo, ka yena.

... *Lehlaka le tsukutlwang ke moyo na?*

Kapa le ne le ile ho bona'ng na? Na e ne e le motho ya apereng kobo tse bonolo na, ya lokelang ho fetola diphahlo habedi kapa hararo a nts'a rera? bonang, ba apereng aparo tse bonolo, kobo tse bonolo ba matlung a marena.

Ke bareri ba tswang mme ba aka masea, le a tseba, le—le ho nyadisa batjha, le—le ho ya sekolong ho hlahisa puo ya bohlale, mme, le a tseba, dinthwana tsena tsohle tse sadifetseng. Le a bona? Le a bona? Ha a tsokotse sabole e matsoho a mabedi ka ntle mono moleng o ka pele. “Le ne le ile ho bona'ng na, motho ya kang eo na?” Be, O ntse a ba botsa.

Le ne le ile...bona'ng na? A e ne e le moporofeta? Mamelang. e, mme ke rialo ho lona, ya fetisang le moporofeta.

E, monghadi. E ne e le eng? “Be ke ya ‘fetisang le moporofeta?’” E ne e le moporofeta, kopanya le ntho e nngwe. E ne e le moromuwa wa mongwaha oo.

... *ana le ne le ile ho bona'ng na? A e ne e le moporofeta? e, ke rialo ho lona, ya fetisang le moporofeta.*

Hobane ke yena, ... boletsweng moo ho ngodilweng, ho thwe, Bona, ke roma pel'a sefahleho sa me lengosa la ka, ... ho lokisetsa tsela pel'a me.

Shebang mona ho Malakia 3. “Bonang, Ke roma lengosa la Me ka pel'a sefahleho sa Me.”

²⁴¹ Shebang. Jwale, Malakia 4, ha nke ke bale lena. O sa tla kgutla hape.

... *bonang, letsatsi le a tla, le tla chesa jwale ka sebopi sa mollo; mme baikgohomosi kaofela, e, ...*

²⁴² Ke kajeno. Ke tsamaya seterateng mme ke bona batho bana. O ka bua le bona, mme ba tla o tsheba, ba o some. Ke ye ke nahane, ke eng? Tsatsi le leng, ke ne ke tsamaya, tlase, pel'a sekwere tlase mona. Ke qoqa le batho ba itseng, mme ba re feela, “oh,” ba ikela.

Ntho e nngwe ya re ho nna, “Ke dibeso tsa bomo ya atomo, hang-hang e se e tla ba melora e tla hasana mobung. Ba tlohele. Wena o se o boletse kgotso ya hao. Itokise mme

o tswe mona.” Alleluia! Ke ne ke sa lokela ho rialo, kea kgolwa. “Itokise. Itlame letheka. Ke a o bitsa.” Ke ka baka leo ke letileng.

Hobane, bonang, letsatsi le a tla, le tla chesa jwale ka sebopi sa mollo; e, mme baikgohomosi kaofela, . . . le bohle ba etsang bolotsana, ba tla ba jwaleka matlakala: . . .

Ke see tla etsahala hantle. Ho etsahala’ng ha ntho e kgolo . . . lona dihwai tse ding; ha mollo o moholo o matla o ja tshimo ya koro, e le tlhaka feela? O e rapalatsa fatshe, ho sale molora. Ke se tla etsahala, mohla hoo, mohla e otlang.

. . . letsatsi le a tla leo le tla ba chesa, ho bolela JEHOVA wa makgotla, ho se hhole ho sala ho bona motso kapa lekala.

Ho ke ke ha sala letho la bona.

Empa ha e le lona ba tshabang lebitso la ka le tla phahamelwa ke Letsatsi la ho loka le nang le poloko mahlaseding a lona; . . . lona le tla tswa, le be le thale jwale ka manamane a nontshitsweng. (Ke Dilemo tse Sekete tseo.)

Le tla hatakela ba bolotsana; hobane ba’tla ba jwale ka molora tlasa bohato ba maoto a lona tsatsing leo ke tla etsa sena, ho bolela JEHOVA wa makgotla.

Ho tswa, ho kena Dilemong tse Sekete. “Melora ya ba bolotsana.”

Hopolang . . . molao wa Moshe mohlanka wa ka, oo ke o laetseng ba-Iseraele bohle . . . yena Horebe, jwale ka molao le taelo.

Jwale mamelang, ka hlоко jwale.

Bonang, ke ya le romela moporofeta Elia ho e-so ho tle letsatsi leo la JEHOVA le leholo le le tshabehang:

²⁴³ Jwale, e ne e ke ke ya ba Johanne eo. E ne e ke ke ya ba yena, hoba lefatsho le ka be le ne le timeletswe mohlangu oo. Empa mona O boletse, ho Mattheu 3, O roma lengosa pel’ a Hae. Mme Jesu o boletse, “Ke yena Elia ya na loketse ho tla, ho hlekha tsela pel’ a Ka.”

“Empa pele bomo e kgolo ena ya atomo o otla, Ke tla le romela moporofeta Elia.”

O tla busetsa lipelo tsa bo-ntata ho bara ba bona, le dipelo tsa bara ho bo-ntata bona, hore ke se tshohe ke e-tla mme ka otla lefatsho ka ho le timeletsa.

²⁴⁴ Ho porofeta, tsatsing lena.

Empa jwale o re, “Oh, Elia eo, e ne e tla ba Johanne.” Moromuwa wa selekane e ne e le Johanne, ruri. Ke nnete e

tiileng. Jesu o boletse jwalo, a ba a e tiisa hantle mona, "Ke yena eo Ke mmoletseng." Empa, le a bona, e ne e ke ke ya ba Elia ya n'a tla tla. Le a bona? Ho ne ke ke ha ba jwalo. Hobane, le a bona, hola ho bile jwalo, ekabeba seporofeto se ne se fositse; lefatshe ha le a ka la timeletswa morao mono. Le a bona? "Empa pele letsatsi le leholo leo le tshabehang la Morena le fihla, Ke tla le romella Elia. Mme o tla busetsa," lemohang ho tla ha Hae la ho qala, "dipelo tsa bontate ho bana." Ke seo A se entseng, pele, ho tlisa molaetsa wa lekgathe le letjha, ho tla ha Kreste jwale, ho hotolla bontate ba molao tumelong eo ya molao, ho ba kenya tumelong e ntjha e sa tswa tswalwa.

Jwale etlare ha A kgutla kgetlo la bobedi, "Le dipelo tsa bana di busetswe morao ho bontate ba pentekosta, Molaetsa wa mantlha."

²⁴⁵ Jwale phetlang mona ho Tshenolo 3, mme le tla e bona hantle mono hape. Ka baka leo, e porofetilwe. Re nakong ya qetelo, moena' ka. Ke hantle.

²⁴⁶ Jwaleka baporofeta bao ba makgolo a mane khahlano le Mikea, ba re re a...Re letsatsing la qetelo, re a tseba. Moporofeta wa bohata, o hlahisa dipontsho tsa bohata, ho ngodisa mekgatlong ya diphutheho. Ba re, "Tloo o ngodise. A re ngodiseng. Tloo o ngodise kerekeng ya rona. Tlisa lengolo la hao la botho. Re butse hoseng hona o ka fetisetsa lengolo la hao la botho ho tswa kerekeng *yane* ho tla ho *ena*." Oh, masawana. Lengolo la hao la botho le o thusa'ng? Ha o se na lefa Lehodimong, o e lebale. Baporofeta ba bohata ba tla hlahisa dipontsho tsa bohata.

²⁴⁷ Empa, shebang, baporofeta ba nneta, ba tla dula le Lentswe la Modimo. Dipontsho tsa nneta di tla tlisa Lentswe la nneta la Modimo Kerekeng ya nneta, mme Kereke ya nneta e tla amohela Lentswe mme e Le thabele. Mohla mohlatswana, o tla hlahisa matsatsing a qetelo, e tla be e le masalla a Balichaba, a tla tshediswa.

²⁴⁸ Mohla Jesu a na a fihla, ho ne ho se—ho se ba dumelang haese ba mmalwa feela mono. Sehlotshwana sa Johanne e le sona se dumelang. Jesu a ba nka ho tloha mono ho ya pele, a ba etsa barutuwa a tswela pele. Mohla Elia...

²⁴⁹ Mohla tshenyeho e ne e fihla, mohla nako ya Noe e ne e fihla, e ne e le pontsho, mme o ile a kenya batho arekeng. Mohla Elia a ne a fihla, a hotolla batho pherekonong eo ba neng ba le ho yona. Mohla Johanne a ne a fihla... Baporofeta bohole e ne e le pontsho, pontsho, dipontsho, pontsho.

Mme O re tshepisitse pontsho tsatsing la ho qetela. Pontsho e tla hlaha matsatsing a qetelo. Ke pontsho e tlodiswang mahlo. Batho ha ba e bone. Ba e tlola hodimo feela, mme ba e tlohele. Moena, kgaitse, o se ke wa ngodisa kerekeng. A nke ke bue taba ena, ho kwaleng jwale.

²⁵⁰ Ha o fumane feela boiphihlelo ba tshisimoho e itseng, maikutlo a itseng, o se itshetlehe mono. Le se etse jwalo, bathong ba lona. Le a...Ke bua le batho. Ke ba utlwile ba llisa diteipi ka morao ka mane, lekgatheng lena. Jwale ke bua le Kereke. Le a bona? Mamelang. Le se leke.

²⁵¹ Ke bua dintho tseo tse ngata ka nako tse ding, tse kang tseo, hore batho ba lefatsho ka ntlo mona, dulang le Modimo. Hlokamelang pontsho ya lona ya mnete. Le tla e bona. E tla ba haufi le lona, empa dimilione di tla feta hantle pel'a yona mme di sa e bone.

Mohla Jesu a fihlang, ha ba ka ba Mo tseba.

Ha ba ka ba eellwa Elia. Le tseba see ba se buileng mohla Elia a ne a nyoloha? Ba ne ba sa dumele masawana ao. Ba re, “Ke bosawana.” Bana hantle mono, ba motse a ne a ahile ho wona. A dula ho wona, a rera ho wona, a etsa dipontsho le meeka naheng eo hantle. Yare ha mokgosi o hlaha, “Ha re fumane Elia; Morena o mo nyolotse ka setsokotsane,” ba tsheha ntho e kang eo.

²⁵² Elia ke enwa a tla, Elisha, ka dipontsho le mehlolo ya hae e tshwanang, papiso ya Kreste le Kereke ya Hae. Elia ke enwa a tla, ka ho tshwana; Elisha, ka tsona dipontsho tseo Elia a bileng le tsona, a theoha hantle, a etsa hoo. Esita le bana ba bona ba banyenyane ba mo sala morao ba tswa, ho thwe, “Ralefatla tote, hobaneng o sa nyoloha jwale ka Elia?” Le bona se hlahetseng bana bao ba se nang hlompho?

Kajeno ba tsheha mme ba soma. O se tshwenyeho, moena, kahlolo e lopaletse mahodimong hantle hona jwale. E ngotswe sefahlehong sa moAmerika e mong le e mong. Ke hantle. Kahlolo e leketlile mahodimong, kgalefo yohle ya Modimo o Matlaohle.

²⁵³ [Sekgeo lebanteng—Mong.] “Ba hloyang ba molemo; ba nang le sebopoho sa borapedi, empa ba latola matla a jona: le ba jwalo le ba furalle.”

²⁵⁴ O se ke wa nka tshisimoho. O se ke wa nka maikutlo. O se ke wa nka letho pele o kopana le Modimo, sefahleho le sefahleho, mme o dumelle Moya wa Modimo ho kena ka ho wena. O tla tlatsa pelo ya hao le moyo ka matla, le lerato, le ho tuka.

²⁵⁵ Modimo, nthuse ho fumana sebaka sa ka kwana, tulong e nngwe matsatsing a mmalwa a latelang, mme ke dule mono ho fihlela ke bona moo kgato ya ka e latelang e leng teng.

²⁵⁶ Re se re eme nako e telele. Ke eme nako e telele. Ke sa hopola mohla ke ne ke kuta jarete ya ka morao mono. Mohla ke ne ke haha ntlo ena hodimo mona, Morena o ile a mpitsa. Mosadi wa ka a lla hoba a ne a sa batle ho siya mm'ae. Ho re, “Mohlomong a ke ke a hlokamelwa.”

Ka re, “Le nna, ke na le mme ya tsofetseng.”

²⁵⁷ Ke ne ke dutse tlase mono, tsatsi le leng, ke kuta jwang. Ka dula fatshe. Ka ho hlaka feela, Lentswe la tla, ho re, “Ikarole, mme Ke tla o hlohonolofatsa.”

Ka re, “Morena Modimo, ak’o nthabise mona. O bona seo ke emang kgahlano le sona.”

²⁵⁸ Dintho tseo tsohle di fedile jwale. Mme Broy o Kganyeng; Mme Branham, le yena.

“Kgato ya ka e hokae, Morena?”

²⁵⁹ Kahlolo e tla otla na ha ena, le leng la matsatsi ana. Ho na le dichaba tse ding tse eso utlwe Evangedi. Ho na le dibaka.

²⁶⁰ Ekaba eng feela eo le e etsang, le se lebale mantswe a ka. Le se leke. Taba ena e ankore. Modimo a nke pene ya tshepe mme a a betle pelong ya lona, le tle le se a lebale. Le se ke la e lebala. HO RIALO MORENA. Kgutlang ho Modimo, ka dipelo tsa lona tsohle. Kgutlang. Le se itshetlehe tshisimohong, boikutlong, kapa letho. Batlang Modimo ka tsohle tse ka ho lona, ho fihlela ho etsahala ntho ho lona, hoo le batlang ho tsepama tswe, le batla ho halalela, le tshaba Modimo, le—le batla ho phela hantle. Etsang hono. Le se e lebale, hobane re nakong ya qetelo. Jwale, hopolang, re nakong ya qetelo.

²⁶¹ Mme le hopole sena, ke sa kwala, ho rapela, motsotsong. Le se lebale. Nkutlweng, tabernakele. Ha eba teipi ena e ntse e tsamaya, nkutlweng, lefatsho, moo e tla ya teng. Ho tla hlaha potsho, pontsho ya nnete. Mohlomong e se e hlahile mme e tlodiswa mahlo, pontsho ya nnete eo Modimo a e hlahisitseng kamehla, e tlodiswang mahlo.

A re rape leng.

²⁶² Jesu wa Nazaretha, jwaleka ha Lentswe leo le leholo le buile moo mohlang oo, diveke tse mmalwa tse fetileng, ke eme haufi, ha ke tlola sekoqo seo, ke potela ka sefate, mme Moya oo wa theoha dihlorong tseo tsa difate wa re, “Jesu wa Testamente e Ntjha ke Jehova wa ya Kgale.” Oho Modimo, ke ema hodima Lefika lena. Dingalo tsohle ke mahlabathe a furumelang. Dingalo tsohle ke mahlabathe a furumelang.

²⁶³ E se e le dilemo tse mashome a mararo, Morena, ke hlaba mokgosi, phuleng ena mona. Molaetsa oo, ha ke eso suthe ho Wona ka noko e le nngwe, ho tloha moo ke qadileng, Molaetsa o tshwanang feela, ntho e le nngwe; ho kgutlisetsa batho, e seng tshisimohong, empa boiphihlelong ba ho kopana le Modimo le ho tswalwa ke Moya wa Hae. Oh, ho ka sala eng haese kahlolo? Bao ba hanang Molaetsa oo, Morena, ha ho letho le setseng.

²⁶⁴ O phethile Lentswe la Hao hona, ho tlaileha dipontsho tsa tsatsi la ho qetela, le ho kgodisa o sa tlaile, hore O Modimo,

le hoba re fihlile mona. Ekasita re utlwa baevangedi ba baholo dinaheng kajeno, bohole ba hlaba mokgosi. Mme motsemoholo wa sechaba sa heso, le ditjhaba tse ding di a kgetha, mme—mme tshabo e a theoha. Mme ha re utlwa banna ba baholo bana, ho fihla kwana Fora, ba lepa hore bomo ya pele e tla wela Louisville, Kentucky, e tla fiela dimaele tse makgolo tsa lefatshe. Oho Modimo, ba bile le monyetla wa ho utlwa, empa ba hanne.

²⁶⁵ Masedi a ditaba, ditaba tsa dikereke, thelebishiene, seyalemoya, di ne di e hlahisitse. Ha ho boitatolo. Jwale he, Morena, O itse, “Bohole bao Ntate a Nneileng bona ba tla tla, mme ha ho motho ya ka tlang a sa hulwa ke Ntate.”

²⁶⁶ Jwale, Ntate, ke ithapella thapelo ena. Ke nna enwa, ke a tsofala jwale, mme ha ke tsebe hore re setse ka matsatsi a makae, Morena. Mohlomong le kajeno lena ha lea re salla. Empa leha ho ka sala eng, Morena, leha ho ka sala eng bophelong ba ka, Oho Modimo, na O ka bo nka mme wa etsa ntho e nngwe ka bona, tlotlisong ya Hao?

²⁶⁷ Ke rapella nna pele, Morena, hore O tle o mphe thato ya Hao. Thato ya Hao e ke e etswe, Morena, e ka bang eng. Ke batla mohla ke kopanang le Wena ho tle ho thwe, “O sebeditse hantle.” Haeba e le kgolo, kapa e le nyenyane, ntho efe feela e dutseng pelong ya Hao e kgolo mabapi le bophelo ba ka, Morena, ke nna enwa.

²⁶⁸ Roma Lengeloi ka leshala la mollo mme le hlwekise melomo ya rona le ho re halaletsa, Morena, bakeng sa ntho e kgolo ya ho qetela e itokisetsang ho otla lefatshe. Re ke re be lenseswe le howang felleng la sebe, “Lokisetsang ho kopana le Modimo.”

²⁶⁹ Kerekana ena, batho bana ba tlang, letsatsi le letsatsi, mme ba kganna makgolo a dimaele. Oho wena Mohlolehi ya lerato, ya sa lebaleng ketso le ka mohla; Modimo wa Abraham, Isaaka, le wa Jakobo; Ya tsositseng Jesu bafung, mme jwale O dutse letsohong le letona la Boholo bo Hodimo; Modimo o ahileng nameng: hlohonolofatsa batho bana bao ke ba hlohonolofatsang ka Lebitso la Hao. Ba ke ba hopole ka mehla mme ba tsebe hore pontsho e teng, pontsho ya bofelo. Ke O rapela ho ba fa, le ho ba etsa batshwasi ba ba bang: mosebetsing wa bona, hohle moo ba ka bang teng, dikoung tsa seterata, dikaracheng, kapa hohle moo e ka bang teng, ho paka lebenkeleng la korosari, ho monna ralebese. Seo e ka bang sona feela, Morena, ha ntho e kgalema pelo tsa bona, e ke e be dipaki. Ba ke ba phele maphelo a kgalalelo a hlatswitsweng ho fihlela ba fetoha mangolo a ngodilweng a balwang ke batho bohole.

²⁷⁰ Modimo, hlohonolofatsa basadi ba rona. Oho Modimo, ke O rapela ho ba thusa ho hlatswa difahleho tsa bona, bao ba

sa etseng jwalo, ho nka...hlakola meikapo oo wa Jezebele ho bona. Ba be le sebete sa Bakreste, le Moya wa Modimo o lekaneng hodima bona, hakana, ho tseba hore ha ba lokela ho apara diaparo tse sa hlwekang tseo ba di aparang. Ba dumelle ho hodisa moriri wa bona, jwaleka mafumahadi. Hoba ho ngodilwe Bibeleng, "Ho hotle mahlong a Morena ke lekala le le nyenyane leo le tla phema dintho tsena tsohle tse hlahang letsatsing la bofelo. E tla ba tlotliso mahlong a Modimo," jwaloka ha moporofeta a e boletse pele. Modimo, fana ka seo.

²⁷¹ Ha ho seo nka hlolang ke se etsa. Ke hlabile mokgosi ka lentswe la ka, selemo ka mora selemo, Morena. Mme ha O sa nke kgato jwale, ha ho letho leo nka le etsang. Ke a rapela, hore O tle o phethise. Mme ke a tseba O tla phethisa, hoba O e tshepisitse Lentsweng la Hao. Mme ke hona moo ke emang teng. Nka paka feela, Morena. Mme ha ho motho ya ka tlang O sa mo hula; mme bohole bao Ntate a faneng ka bona ba tla tla. Ke na le kgodiseho eo, ya hore Lentswe la Hao le tla hlokomelwa. Re hlohonolofatse, Morena.

²⁷² Mme ha ho ena le ba itshetlehileng ka tshisimoho feela mona, mohlomong ba hweleditse. Mohlomong ba na le Moya o Halalelang. Kapa, re ke ke ra itshetleha mono, Morena, hoba re bone batho dipapading tsa bolo, ba hlaba ditlatse. Re bone batho boithabisong ba lefatshe, ba hlaba ditlatse. Re bone ba thabang hoo ba llang, fulurung, ba tantsha, le dintho tseo tsohle. Ha se Wena eo, Modimo.

²⁷³ Empa ho kopana le Wena le ho bua le Wena, mme O ntoo arabela, ke seo re se batlang, Morena. Oh, ke a O rapela, Modimo, motsotsong wona ona, hore O tle o romele Moya o Halalelang oo ka phaposing ena, tulonyana ena, e ithobileng. Ha ho tulo e Mo tshwanelang eo A ka tlang ho yona. Empa ke a rapela, Modimo, hore, ka tsela ya Hao, O tle o Mo theolele ka hara phaposi hantle. Kgodisa meya.

²⁷⁴ Jwaloka ha ke sa tswa bolela, Morena, mohlomong O beile kutu e kgopang tseleng ya motho e mong, malebana le dimemo tsena tsa aletare, ka ho qeka le ho phehella batho ho nyoloha. Mme ha re kgutla isao, re ba fumane e le bana ba dihele habedi ho feta kamoo ba neng ba le kateng ho qaleng. Ba ka tla jwang O sa ba kgodise o sa ba ahlole, Moya o moholo o Halalelang?

²⁷⁵ Mme ke rapela Wena, Morena Modimo, ha monna eo wa moetsadibe kapa mosadi, moshanyana kapa ngwanana, a le ka mohahong wona hoseng hona, Moya o Halalelang o ke o tle ka matla a maholo a kahlolo hoo dikeledi di tla theoha marameng a bona le ho qhitsetsa moyeng wa bona, Morena, hore ba tle ba dumelle ho tswa botebong ba pelo tsa bona mme ba amohele Kreste. Fana ka sena, Morena. Ba ke ke ba hloka aletare. Moya wa bona etlaba aletare ya bona. Fana ka sena, Morena. Jwale ba tla tla ho Wena ka pelo yohle, mme ba re, "Jwale ke batla

ho kolobetswa ka Lebitso la Jesu Kreste tshwarelong ya dibe tsa ka tseo ke di baketseng.” Fana ka sena, Morena. Ba tlatse ka Moya o Halalelang.

²⁷⁶ Re fe baevangedi lefatsheng kajeno, e seng ba qophellang ba halang, mme ba etsa bana ba mokgatlo wa bodumedi. Modimo, Itsosetse bana ba mmalwa. E re batho, Morena, ba rapele. Ke hopotse ntlo ya Kornele. E ne e-so hlahele Modichaba pele, empa ba ne ba itima dijo ba rapela. Mme yareha monna eo wa Modimo, mopororofeta eo, a ema mono, “Mme yare a sa bolela mantswe ana, Moya o Halalelang wa tsholohela hodima ba utlwang Lentswe.” Modimo, hlahisa seboka sa mofuta oo. “Yare Petrose a sa bolela mantswe ana.” Oho Modimo, ba ne ba itokisitse. Ba ne ba itimile dijo. Ba ne ba lebeletse. Ba ne ba tshepahetse. Ba sa “ema” feela, ba ne ba “eme ho fihlela.”

²⁷⁷ Baapostola bao ba ile ba ema ho fihlela Modimo a theohela hara bona, mme ba kgona ho Mmona mme ba bua le Yena. Ba tswa ka dipelo tse bileng tsa chesa lefatshe la ba la romotseha. Ba le sebete, mme ba ema dibakeng tseo ba neng ba ka pongwa dihlooho. Ba re, “Na ho a re lokela ho utlwa lona, kapa mekgatlo ya lona, kapa lona banna ba mokgatlo wa bodumedi? Kapa, na re ka utlwa Modimo? Le iponele e le lona.” Mme hang feela, hoba ba lokollwe, ba tswa hantle ba bolela Lebitso la Jesu Kreste hape. Oho Modimo, re fe—re fe hoo, Morena.

²⁷⁸ Re hlahisetse, enwa eo O buang ka yena Mangolong. Mo tlotsse, Morena. Ke a mo batla. Mo romele, Morena. Oho Modimo, dipelo tsa rona tse lapileng di a lla. Mo romele, Morena, ya tla busetsa batho Tumelong ya bontate hape, ya tla ba tlosa ho bo nkele-morohong bana ba mekgatlo ya bodumedi, ho kena boiphihlelong ba nnete le Modimo, jwaleka ha ba entse ka Pentekosta, kereke ya nnete hape, e tukang, ka Molaetsa o tshwanang, Tumelo e tshwanang, Thuto e tshwanang, Bibele e tshwanang, Modimo o tshwanang ka pontsho e tshwanang. Re hlahisetse moporofeta, Morena.

²⁷⁹ Fodisa bakudi ba hara rona kajeno, Morena. Ho na le ba hlokang mona. Ke a ba rapella, Ntate. Esale ke ema nako e telele, hoseng hona, mme ho na le ba dutseng mona.

Bosiung bo bong, ha moapostola Pauluse a ntse a rera bosiu bohole, mohlankanyana a wela mohahong mme a ipolaya. A ile a kgaleha. O ne a sa ikemisetsa hona, a mpa a—a kgaleha. Mme a wela, mme bophelo ba hae bo ne bo kgaohile. Yaba moapostola o a rapela, mme bophelo ba kgutlala ho yena hape.

²⁸⁰ Oho Morena Modimo, ho na le bongata bo wetseng malwetseng mona. Mme re eme halelele re tlotsse nako ya ho qhalanya kereke, ho na le ba kulang. Oho Modimo, a matla ao, wona—wona Moya o Halalelang o tl Lang ka bowona ka Topallo ya Mollo, Ya Ipontshang mme a Itsebisa nna, hore Ke Mang,

mme re a Mo dumela, A ke a teele motho e mong le e mong hare ka mona kajeno. Fodisa bakudi. Tlatsa ka Moya. Ako lwele ka mekgwa yohle, Morena, kamoo re e hlokang. Hlohlha dipelo tsa rona ka tumelo, Modimo, ka tumelo e sa timeng, ka tumelo e sa tenyetseheng hore re na le HO RIALO MORENA. Fana ka sena, Morena.

²⁸¹ Ke batho ba Hao, Molaetsa wa Hao, Lentswe la Hao, bahlanka ba Hao. Mme Diabolosi a ke ke a re fupara. Esita le mohla tabernakele ena e senyehang a ke ke a re timetsa. "Hoba efela ha tabernakele ena ya lefatshe e senyeha, re na le e seng e lokile." A ke ke a re ntsha kotsi, hoba hohle hoo e leng sera sa rona ke sera sa Hao, hoba rona re ba Hao. Re rekilwe ka theko, ya Madi a theko e thata a Jesu.

Ha ho le jwalo, lona matemona a nnileng a holeha batho bana ka malwetse, kea le laela, ka Lebitso la Jesu Kreste, ho tswa ho e mong le e mong wa bona. Jwale ka mohlanka wa Modimo, ya bolelang hore Lentswe lena ke Nnete, tswa ho bona. Ha o na ditshwanelo. Ntho yohle eo o kileng wa itseka o ena le yona, e phumutswe Kalvari. Mme o ke ke wa hlola o ba holeha.

²⁸² Jwale, Modimo, fa monna e mong le e mong le mosadi, moshanyana kapa ngwanana ya ka mona, tumelo ya ho dumela hoo. Lentswe le builwe. "Ha o ka re ho thaba ena, 'Sutha,' mme o sa belaele pelong ya hao." "Thapelo ya tumelo e tla pholosa mobabi." "O na le seo o se kopang." Re tseba hoo. Re na le tshepo eo ho Modimo. Ha re fela re ena le tumelo, ha Modimo o phela ka ho rona, re dumela hoo. Mme ke a tseba ho jwalo, Morena. Ka baka leo, fana ka sena, kajeno, bakeng sa malwetse le pholoso. Kapa, ke tshwanetse ke be ke itse, kapa ke loketse ke be ke itse, poloko pele e ntoo ba malwetse. Fana ka sena, Morena, hoba moyo o bohlokwa ho feta mmele.

²⁸³ Empa bao, ka dinako tse ding, moyo wa bona o bolokehile, mme mmele ona wa kgale esale wa Satane, mme o a tseba hore o tla o nka nakong ya qetelo. O tla o pshatla a o kgutlise. Diboko tsa lefatshe di tla nyeunya ho wona mme di o je di o qete. Empa a ke ke a ama moyo oo le ka mohla, hoba ke letlotlo le theko e thata la Modimo. Mme ka bophelo boo, jwaleka bo tswang lehlakung, bo kgutlela ho Modimo O bo abileng; bo tla boela bo kgutla ka sehla se latelang, ka mmele o mocha oo Satane a ke keng a o ama. Esita le botsofadi kapa eng bo ke ke ba bo ama. E tla be e le mmele o kganyang. Re shebeletse seo, Morena. Hlohonolofatsa batho ba Hao jwale. Ke ba Hao. Ke ba bea letsohong la Hao. Ke kopa hona ka Lebitso la Jesu.

[Moena Neville o a porofeta—Mong.] Rapelang. [Moena e mong o a porofeta.]

²⁸⁴ Hase lentswe la ka leo. Ke Lentswe la Hae. Oh, seo re se hlokang, horeng ena, horeng ena eo re phelang ho yona! Na

ha le utlwisise, metswalle, hore Modimo ha a etele dimelala? O haha hara ba nyatsehang, dinthong tse nyenyane, tse nyatsehang. Ha le elellwe mohlomong se etsahalang hona jwale, se tsamayang hara mohaho ona, se tsamayang hara batho bana hona jwale.

²⁸⁵ Hobaneng Moya o buile, pejana, “Pele Ke ba etsetsa letho,” ka Moena Higginbotham? “Elang Molaetsa ona hloko, hoba ke Nna ya O tlisitseng,” ntho e nngwe e kang eo, “ho le hlokomedisa ka ntho ena e tlang.” Shebang se etsahetseng.

²⁸⁶ Dintho tse ding, Mangolo ao ke a ngotseng mona, ao ke sa a amang ho hang, mme ke a tlotse. Ke isitswe mono ke Moya o Halalelang. Le a bona? Mangolo a mang, ekasita ke sa a ama. Ka mpa ka tlolela nthong e sele, ka botlalo. Hang ka nako, ke utlwa ho fihla ntho e nngwe, ke ntoor retoloha ho fumana moo e ne e le teng. Moya o bua ka mahlakoreng wohle jwale.

²⁸⁷ Oho, lona batho, tshephalang, le be le nnete. Le se leke ho phomola hodim’... Le a bona, la—la sheba ntho e kgolo e phatsimang.

Athe, baporofeta bohole, esitile Davida a itse, “Ho Kgutleng ha Morena, hore, thaba e nngwe le e nngwe e tla kokobetswa, mme ho—mme dibaka tse kokobetseng tsona di phahamiswe.” Hore, “Dithaba di tla thala jwaleka dipheleu tse ncha, le mahlaku wohle a ope diatla tsa wona.” Kgele, batho ba ne ba nahana etlaba eng, mohla Jesu a ne a fihla?

Ha etsahala’ng? Moreri wa kgale ya ithobileng, ya sa rutehang. A ile a kena lefeelleng, a le dilemo tse robong, e seng ho kwetliswa ke motho, empa ho—ho kwetliswa ke Modimo. A tswa, mme a ema a itlamile ka lettlalwana la nku, a bile a makgisa sefahlehong sa hae, mohwete hohle, le moriri o lepeletse molaleng wa hae. A phela lefeelleng, ka ditsie, ke ditsienyane tseo, ditsie tse hlaha le makgeha a dinotshi, ha a ntse a dutse lefeelleng. Mme a fihla, a ema hara seretse mabopong, mme a tumisa ho tla ha Messia. Mme Messia a theoha hantle, Monna ya tlwaelihileng hara batho, mme a kolobetswa. Mme baporofeta bohole ba ne ba e tlalehile e le e nngwe ya dintho tse kgolohadi tse kileng ya hlaha, mme e ne e le yona. Le a bona?

²⁸⁸ Ba sheba ntho e kgolo, e phatsimang, e etsahalang. Le a bona? Moya o Halalelang ha o phatsime. O a kganya. Ho phatsima ke hwa lefatshe. Ho kganya ke hwa Modimo.

Thapelo ya ka, Morena, ke hore o kganye hodim’ka. Nkokobetse. Ntshware, mpope mme o mpopelle. Moya wa Modimo o phelang, tsamaya ka bocha hodim’ka. Mpope, o mpollelle. Nketse wa Hao, Morena. Ak’o ntshware feela.

²⁸⁹ Le nna ke elellwa hoba Moya wa Kreste o tsamaya o potoloha hara mohaho ona mona hoseng hona. Modimo o tla

ahlola lefatshe o teng mona hantle jwale, ruri jwaleka ha ke eme sefaleng sena. Ho se ho hlahile dinetefatso tse nngwe, pedi, tharo tsa lona, tsa Lentswe, hantle feela se boletsweng ke Bibebe. Ana le utlwile ha e kwaleha nakong eo, ka mora moo? Nngwe, pedi, tharo, ntho ka nngwe ka tatelano ya moyo, ntho ka nngwe ka tatelano ya Mangolo. Oh, bulang dipelo tsa lona le utlwisise. Oh, ke nako e kakang, ho ka tshwanang ho hlaha nakong ee!

²⁹⁰ Ba ne ba dutse phaposing e ka hodimo, bohole ba le kgopolo e le nngwe, ba lebeletse. “Hobane ba emelang Morena ba tla bona matla a macha. Ba tla nyoloha ka mapheyo jwale ka ntsu.”

²⁹¹ O se ke wa nyolohela mono feela wa re, “Morena, ke maswabi, dibe tsa’ ka. Jwale ke amohela ka tumelo hore ke fumane Moya o Halalelang,” o ntoo ikela.

Ba emelang Morena, diveke, matsatsi, see e ka bang sona, ba tla bona matla a matjha. Ba tla nyoloha ka mapheyo a ntsu. Baa matha mme ha ba kgathale. Ha ba tloha, ba ke ke ba tepella. “Nthute, Morena. Nthute, Morena, ho ema.” Ho emela Morena.

²⁹² Motsheare le bosiu, ka ho se phetse, Anna a nna a dula tempeleng, a sa phetse ho rapela, motsheare le bosiu. Mohla ba ne ba tlisa Jesu. A kena, a foufetse, mohahong, a potoloha. Mosadi ya foufetseng a bea matsoho a hae hodim’ a Hae mme a boka Modimo. Hobane, bohofung ba hae ba nama, moyeng wa hae, a ile a tsamaiswa ke Moya, ho fihla moo A ne a eme teng.

²⁹³ Simeone, mono, o ne a Mo emetse, motsheo kwana ka phaposing ya ho rapela, a tseba hoba o ne a filwe tshepiso, ke Moya o Halalelang, hore a ke ke a shwa; monna moholo, wa dilemo tse mashome a robedi, a batla a le mashome a robong. Mme o ne a... a boleletse batho pontsheng, “Nke ke ka bona lefu pele ke bona Messia.” Mme ka motsotso wona oo, Lesea la kgale le le nyenyane...

E ne e le Mang? E seng motho ya phahameng, balebedi bohole ba eme pashasha mohla ba tlisang Messia, a phuthetswe hamonatjana ha bonojana, mme a le motle a noneditswe, mme a nokilwe jwaleka masea a tlileng ho hlohonolofatswa. Empa mme e monyenyan ya neng a buuwa hampe, ho thwe, “O fumane Lesea, a sa ka a kena lenyalong le halalelang.” A phuthetswe ka lesela le sosobaneng, joko, A phuthetswe ka thepa ya joko ya pholo, a tsamaya hara mohaho, mme motho ka mong a tsamaela hole le Yena.

Empa ke mona ho tla seholotshwana seo, lemulwana leo. Anna, e le e mong. Simeone, e le e mong, ba tsamaya ba theosa ka mola, a sa tsebe nako eo a tla Le hlaba ka mahlo a hae. Le ho phahamisa matsoho a hae mme a re, “Morena, jwale O lese mohlanka wa Hao a ikele ka kgotso jwale, ho ya ka Polelo ya

Hao, hoba mahlo a ka a bona poloko ya Hao.” Le a bona? Hase ntho e kgolo, e phatsimang. Ho kganya; mme leha e buuwa hampe, e ne e le pontsho.

²⁹⁴ Mme, kajeno, pontsho ena e buuwa hampe. Ha e fumane tshebedisano-mmoho. E—E . . . E buuwa hampe, mme e bitswa ntho e nngwe le e nngwe. Empa ke pontsho e tlodiswang mahlo, pontsho e buuwang hampe. Bibele e bua ka ntho eo, “Pontsho, e buuwang hampe.”

²⁹⁵ Ha re hopoleng taba ena re sa kgutlela malapeng a rona. Le se ke la dumella Molaetsa ona ho shwa dipelong tsa lona le ka mohla. Leha le ka etsa’ng feela, le se etse jwalo. Le nahane Sena, motsheare le bosiu. Mme le rapele, motsheare le bosiu, ho Modimo ho hlahisa paki ya Hae jwale. Re itokisitse, hoba ke dumela, hang-hang, nako ha e sa tla ba teng. Re ntse re atamela.

²⁹⁶ “Jwang, e tla hlaha neneng, Moena Branham?” Ha ke tsebe. Mohlomong kajeno. E ka ba hosane. Ha e se kajeno, ke tla e lebella hosane. Mme e ka ba monongwaha, isao, dilemong tse leshome. Mohlomong dilemong tse mashome a mararo, ha ke tsebe e tla hlaha neneng. Empa ke re, ho qala jwale, le mpe le dule le itokisitse motsotsotso o mong le e mong.

²⁹⁷ Mme o se ke wa nka ntho ya tlwaelo feela. O se ke wa etsa jwalo. O se ke wa phomola, motsheare le bosiu, ho fihlela o buile le Modimo. Itshole bohlanyeng. O se ke wa fuduuhuwa ke tshisimoho. O se ke wa etsa jwalo. Ke yona ntho e hlahisang dintho tse ngata hakana tse feteletseng mme di e tshabisa batho, le a bona, ke ka baka la bohlanya bo feteletseng. O se ke wa amohela hoo; ho hang. O dule mono hantle ho fihlela o buisana le Modimo. Hodim’ a tsohle, ebile ke moyo wa hao, mme ke wena ya tla ja Bosafeleng kwana. Mme o etse bonneta ba hore ha o tsukutle matsoho feela le ho thothokisa tumelo, kapa—kapa ho amohela ntho e nngwe ka tumelo. O se ke wa etsa hono. O bue le Modimo. Modimo a ke a bue le wena, mme o shebe se etsahalang ho wena. O shebe ditabatabelo tsa hao le se etsahalang, jwale o tla tseba hore o buile le Modimo kapa tjhe.

²⁹⁸ Ho lona ba dumetseng ho Yena hoseng hona. Ho lona, mme ke—ke buile ka ho bitsa dialetare. Le tseba kamoo ba ne ba e sebetsa kateng Bibeleng? “Ba dumelang ho Morena, ba neng ba dumela ho Morena ba ne ba kolobetswa ka Lebitso la Jesu Kreste tshwarelong ya dibe tsa bona.” Ha o eso etse . . . Re ne re sa bitse dialetare. Ba ne ba sa re batho ba nyolohe. Ha o etsa jwalo, o fumana ntho e nngwe le e nngwe. Motho ya shebehang a kgohlahetse ke enwa, o nyolohela aletareng, mme o kgumama fatshe, kahobane motho a lekile ho mo lata. O—o—o tla fumana ho le thata habedi ho boela o mo fumana hape. O a bona? Mme o etsa eng? O kenya ntho e nngwe le e

nngwe ka hare. Mme Jesu o itse, "Bohle bao Ntate a Nneileng bona ba tla tla ho Nna." Dula le Lentswe leo. Modimo o tla etsa tsohle. Ke hantle. Ke hantle. Modimo o tla etsa tsohle.

²⁹⁹ Modimo a le hlohonolofatse. Ke tshepile ho kopana le lona hape bosius bona, ho tshepa, e mong le e mong wa lona ya ka kgonang. Kea tseba bongata ba lona bo loketse ho sala, ho tsamaya. Ke tla theoha, bosiu bona, ho mamela moena wa ka, ha e le thato ya Modimo. Ha ke batle ho nka melaetsa ya hae ka bobedi.

³⁰⁰ Mme—mme Moena Neville ke monna e mosa wa Modimo. Mme ke a tseba, ke tseba eo... Ha ke mo mameitse a rera, ke a tseba e tswa pelong ya hae ka ho otloloha. Ke tseba seo. Mme Moena Neville, jwaleka ha a buile bosiu bo bong, ka tlhahiso eo, a re ke ile ka bua. "Ka tsatsi le leng ke tla mo kolobetsa ka Lebitso la Jesu." Ka etsa jwalo. Hobaneng? Ka na ka bona botshepehi le nnete e ho yena. Ka tseba hore ha eba... a ka e fuwa, le ho bona a... mme a ka E bona hantle, mahlo a hae a ka tutuboloha, o tla E amohela. Ka ema, mme ke ntse ke bolella Kereke, "Le se tshwenyeho, moreri eo wa Methodise o tla itokela." Mme ke enwa kajeno, ke modisa wa tabernakele, o tiile mosebetsing kamoo a ka kgonang, Molaetseng. O dumela Modimo. Mme ke a tseba, ha ke utlwa ntho e tswa ho Moena Neville, ke a tseba ke ya makgonthe, e tswa ho Modimo, hoba ke motho wa mofuta oo.

³⁰¹ Ke beile matsoho a ka hodim'a disakatuku tsa lona mona di rapeletswe. Ka tshepo, ya hore e mong le e mong wa lona o amohetse lehlohonolo le tswang ho Modimo. Ka tshepo ya hore Modimo o dutse pelong tsa lona.

³⁰² Ha re—ha re tle mona ho—ho fumana lehlohonolo le tswang ho Modimo, ha kaalo, ha re tla mona. Letsatsi le leng le le leng ha re phefumolaha, re fumane lehlohonolo le tswang ho Modimo. Seo re ttileng ho se etsa mona, ke tokiso, ho kgaola, ho bolotsa dipelo tsa rona, le ho tla ema pel'a Modimo, le ho dumela Modimo ka dipelo tsohle tsa rona.

³⁰³ Hopolang Lentswe la Morena. Mme le se ke la lebala, mme le se hlollehe, ho tlodisa pontsho ya nnete e tswang ho Modimo mahlo.

Mme jwale ke tla fetisetsa tshebeletso ho Moena Neville, a bue seo a batlang ho se bua.

[Moena Branham o tloha sefaleng—Mong.]

[Moena Neville o re, "Ruri, kgelle, kea le bolella, ke tsebile hobane Modimo o tjhaeletse seo re ne re se lebeletse qalang ya tshebeletso. Ha ke sheba difahleho tsena tse ngata, hoseng hona, ke a tseba ho bile hotle ho lona ho ba mona. Mme le ho nna ho bile hotle ho ba mona. Mme ke ne ke tlamehile ho ba mona, mme le lona le ne le tlamehile ho ba mona. Thomo ya

lona e phethilwe ka nepo ha eba le lekanya jwalo. Seo le se fumaneng hoseng hona, le ka se fumana hobane le se amohetse ho Modimo.”—Mong.]

[Moena Neville o a tswella, “Mme re tla ba le tshebeletso ya kolobetso hang-hang, ka mora mona. Mme Moena Willard Collins o tla tsamaisa tshebeletso ya kolobetso, mme re na le batho ba babedi kapa ho feta. Mme re rata ho bona batho ba lekgolo bakeng sa kolobetso ya Lebitso la Jesu Kreste, hoseng hona, ho ikemisetsa ho bontsha tumelo ya lona ka ketso. Tumelo hase mosebetsi. Tumelo, ya mantswe, ha e na molemo. Empa tumelo, e pepeswang, ke molao wa Bibele. Ka kutlo, tumelo e ka pepeswa. Modimo a ke a abele e mong le e mong, hoseng hona, ya leng teng mona, ya ikutlwang a sekametse ho etsa jwalo, o ka tla. Ha eba lena e le... Ha taba ena e tswile motjheng oo o no o radile, kapa mohlomong o no o tlamehile ho hlompha taetsu hang-hang, kapa ntho e nngwe; ha o kgona ho e diehisa, mme wa tswellisa ketso ena ya kutlo. Kea dumela hore jwaloka moena wa lona ya ikokobeditseng ho Kreste, le jwaloka mosebetsi-mmoho le moporofeta wa Modimo, kea dumela e ka—e ka ba kgetho ya hao e kgabane, ho etsa kgetho eo hona jwale. Mme o ke o tle, mme o eme hara ba bang ba tla kolobetswa, o tle o kenyelletswe palong ena, ho bopa mohlatswana. Oh, ho a babatseha, ha ho jwalo, ho ba e mong wa Hae, le ho sebetsa ho latela Lentswe la Hae?”—Mong.]

[Moena Neville o a tswella, “Na re ka ema mmoho, re sa itokisetsa ho qhalana. Sontaha se tlang, Moena Branham o tla kgutlela ho rona. Ha re hopoleng tsebiso eo. O itse o tla theohela mona bosius bona, empa ha a re o tla rera. Leha ho le jwalo, takatso yaka, kamehla, ke hore a etse jwalo. Mme ha a lokela ho tshoha hore ke eme kae ka taba eo. Takatso ya ka ruri, ka ho tseba hore Molaetsa le—le pitso, ofisi a e tshwereng, ke tlhoko e kgolo ya letsatsi lena la qetelo. Nka sutha, nako efe kapa efe. Nka bua sena pontsheng ya batho le ya hae. Ke tela sebaka ka thabo, nako efe kapa efe, tshebeletsong efe kapa efe, bakeng sa Molaetsa o bohlokwa ona oo ke o dumelang. Hobane, Modimo o buile ka rona bobedi, hoseng hona, ho bontsha pontsho ya hona. Mme ke thabetse ho fumana monyetla wa ho ba eo ya ka o suthelang. Mme ke tla rata, bosius bona, nka rata ho etsa jwalo, ha moena wa rona, le mohlanka wa Modimo le moporofeta, a ne a lekantse jwalo, ruri nka thabela ho o suthela. Ha a ka rialo feela, sohle seo a se utlwang. Empa, o se a buile, mme qeto yohle re tla e beha matsohong a Modimo o Matlaohle.”—Mong.]

[Moena Branham o kgutlela sefaleng—Mong.]

³⁰⁴ Le ne le ke ke la kopa ntho e molemo ho feta eo, ha ke re, ho tswa ho moena wa sebele? Lebaka leo ke... Le a bona, metswalle, ke—ke a tseba hobane le a nthata. Le rata Moena

Neville. Le rata batho bohole ba Modimo. Re a ratana. Haeba ho kile ha ba le nako eo re loketseng ho ratana ho feta, ke kajeno. Re loketse ho atamelana haholo, moena, ho fihlela feela re... Re feta le baena le dikgaitse di ba madi. Ke lerato le tlamehileng ho dula dipelong tsa rona ho ba bang, tshabo le hlompho, tse phahameng. Mme ke rata hono. Ke rata ntho eo ya makgonthe.

³⁰⁵ Mme mona, Moena Neville, le Moena Higginbotham. Moena, kea kgolwa hore eo e ne e le Moena Funk. E ne e sa ke yena, ya ntshitseng molaetsa oo morao mono, o tswileng. E tswa ho Modimo, melaetsa eo, metswalle. Ehlide e tswile teng. Motho mang le mang ya nang le temoho ya moyo o tseba seo.

³⁰⁶ Empa taba ke ena. Ha ke kena, ke—ke rata Moena Neville hoo ke bileng ke nahanang tjena, le a bona. Ha ke—ke batle ho bua letho ha ke hlile ke se na letho le tswang ho Modimo ho le bolella lona. Le a bona? Mme ke fihletswe ke hona—hona pelong ya ka, matsatsing a ka bang mabedi kapa mararo a fetileng, mme ka se ke ka e tsotella ho e sheba hakaalo ho fihlela bosius ba maobane, mme ka hlahloba Mangolo a mmalwa. Ke ka baka leo ke ttileng ho o rera. O tlohile matsohong a ka jwale. Le a bona? Ho-re le etsang ka wona, ho itshetlehile, ho tla be ho le ho lona, le a bona. Empa o tlohile letsohong la ka.

³⁰⁷ Empa, nna le Moena Neville, re mpa re le jwalo feela. Ha ke theohela kwano, e le feela ho—ho bua nako e itseng feela, le ntho e kang eo, mme Moena Neville a ne a ena le molaetsa o tswang ho Modimo, ke ne ke tla dula fatshe. E, ehlide. Ke ne ke tla siela molaetsa wa Modimo sebaka, ka mehla. Le a bona? Mme re sebetsana jwalo. Mme ke ka hona ke reng ke tla... Ha—ha Modimo a sa mphe letho, be, mohlolong, ho bua feela. Mme ha Modimo a fa Moena Neville letho, mme ke eme hantle sefaleng mona, Sontaha hoseng, Sontaha bosiu, nako efe feela, Moena Neville o ne a tla... E ne e tla ba moena hakaalo feela. O ne a tla tla ho nna, ho re, “Moena Branham, ke a dumela o mohlanka wa Modimo, empa Morena o sa tswa mpha molaetsa.” O ne o tla etsa jwalo, ha ke re? [Moena Neville o re, “Amen.”—Mong.] E, monghadi.

³⁰⁸ Ke ne ke tla etsa jwalo ho yena, ha eba a ne a il’o bua. Ke ne ke tla re, “Moena Neville, na o ka ntshwarela? Modimo o mphile Molaetsa. Ke loketse ho o tlisetsa batho, hona jwale.” Mme le yena, Moena Neville, o ne a tla sutha tseleng hantle; ofe feela wa rona, ho etsetsana jwalo. Le a bona? Ke kamoo re sebetsang kateng. Mme ha eba re, ha ke se na ntho e ikgethileng, ebe jwale ke...

³⁰⁹ Ke rata feela ho mo utlwae a rera. Ke mo utlwile. Ba bakae ba mo utlwileng, bosiu bo fetileng ba Sontaha? Molaetsa o babatsehang hakaalo, kea le bolella. O ile wa tlamahana hantle, le se boletsweng hoseng.

Mme, lona batho, ke a le borella, le fumane Lentswe la
Modimo le lekaneng hoo ruri le lokelang ho phela hantle mme
le loke.

Modimo a o hlohonolofatse jwale, Moena Neville.



PONTSHO YANNETE TLODISWANG MAHLO SST61-1112
(A True Sign That's Overlooked)

Molaetsa wona, ka Moena William Marrion Branham, o rerilweng sethatong ka Senyesemane ka Sontaha hoseng, Pudungwana, 12, 1961, Tabernakeleng ya Branham e Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org